

CARTA PARA CA ENNE' HEBREO

La Epístola A Los

HEBREOS

1 Tiempo antigua nna ca tà' tàta qui' ri'u ca israelita nna uccua cą saber titsa' qui' Tata Dios de riyénini cą nu ra ca enne' gunne parte qui'e. Por medio de iỹé manera durante tuchùppa mili' ida nna beni Tata Dios latsi' canu uccua profeta, pues ttu ttu tsa cabi nna gutixà'a cabi ttu parte teruba qui' titsa' qui'e. ²Pero tiempo nu último nu tse'e ri'u annana, chi cca ri'u saber titsa' qui' Tata Dios por nu riquixà'a Ỹi'ni áa. Iyaba ca cosa nu té ỹiaba nna yétsiloyu nna, Tata Dios nna bènìe cą por medio de Ỹi'ni áa, a'hua chi nanìe qui'ni Ỹi'ni áa nna quée Xana' iyaba ca cosa nu té. ³Por iyaba ca titsa' qui' Ỹi'ni áa nna a'hua por iyaba nu beni e nna, a' modo ritelíni ri'u qui'ni née enne' ỹeni tì'a la'a mísmu Dios ba enne' née Tata qui'áa. Ỹi'ni áa nna née completamente enne' tse' tì'a ná Tata Dios. A'hua por la'huacca qui'e nna acca iyaba ca cosa nu té ỹiaba nna yétsiloyu nna runi cą nu rée. Por lù'uti qui'áa nna acca hua té modo para éyie ca tul'la' qui'

yétsiloyu, làniana bèyye'e ỹiabara' nna gùduanie cuitta' Tata Dios enne' rigú'ubia' lo iyábani.

⁴Jesucristua nna née adiru enne' rigú'ubia' ti'chu iyaba ca ángeli, porqui'ni là teruba lèe nna née Ỹi'ni Tata Dios. ⁵Íi chi ra Tata Dios Jesucristua:

Lu' nna ná lu' Ỹi'nia'.

Anna chi ritelíni qui'ni ná' Tata qui' lu'.

Làniana raáru huée:

Inte' nna ccá' Tàta qui'e.

Lèe nna quée Ỹi'nia'.

Pero bihua rée nuya ttu ángeli á'. ⁶Ỹi'ni áa nna chi dúe dèsdeba ántesca cue' yetsiloyu, acca Tata Dios nna loti' bì'yu tsá ithèl'le'e Ỹi'ni áa yétsiloyu nna rée:

Iyaba ca ángel nu chi benia' nna ná qui'ni gudu ỹibi qui' ru'a lúe nna gudàliani cą ne.

⁷Annana riquixà'a' nu ra Tata Dios nu cca qui' ca ángeli:

Ca ángeli nu beni Tata Dios nna, canchu chi rithèl'le'e cą mandado nna,

Runie qui'ni dia cą quètha tì'ba be'.

A'hua canchu chi tse'e ca ru'a
 lúe runi ca biya rú'ulatsi'e
 nna,
 Runie qui'ni cca ca fuerte tì'ba
 tsi'iyí'.

⁸Pero David loti' gùnne bi parte
 Tata Dios nna gutixà'a bi nu cca qui'
 Ýi'ni áa nna ra bi qui'e:

Cuià'lu' ná Dios,
 Runi cuià'lu' seguir cu'ubia'
 cuià'lu' tulidàba. Runi cuià'lu'
 nu ná tse' tulidàba lani canu
 tse'e ca bajo la' rigú'ubia' qui'
 cuià'lu'.

⁹Lu' nna rú'ulatsi' lu' nu ná tse'
 tulidàba nna,
 Ruyudí' lu' nu ná mal.
 Acca Tata Dios qui' lu' nna chi
 becuí'e lu' para té itute poder
 qui' lu' nna,
 Adiru la' redacca' latsi' té qui' lu'
 tì'chu iyaba adí ca enne'.

¹⁰Raáru huée nu cca qui'e:
 Lu' ná lu' Señor lo iyate, dèsdeba
 néru beni lu' itute yétsiloyu.
 A'hua lani la'a mísmuba ná' lu'
 nna beni lu' formar iyaba nu
 tsia yíabara'.

¹¹Nu té le' yétsiloyu nna yíabara'
 nna tté bá qui' qui,
 Pero lu' nna tulidàba dua lu'.
 Iyaba nu té nna chi ritè qui' qui,
 Tì'a ttu lári' nu chi riréda'a
 porqui'ni chi nà viejo.

¹²Yétsiloyu nna yíabara' nna
 canchu chi i'yu tsá qui'ni
 labiru íyu' ca,
 Làniana cuià'lu' nna chù'na
 cuià'lu' ca para guni cuià'lu'
 yíaba nna yétsiloyu nu ná cubi,
 Tì'ba ttu enne' canchu chù'nà
 lári' viejo nna gaccu'a nu ná
 cubi.

Pero ttùba ná cuià'lu' tulidàba
 labí itsiání cuià'lu',
 Nìhua nunca labí ccá gùla
 cuià'lu'.

¹³Tata Dios nna nunca labí rée nuya
 ttu ca ángel tì'a chi bedàlianie Ýi'ni
 áa nna rée bi:

Gurè'ni cuittá'a' lado bàni,
 Hàsta qui'ni inte' nna gunna'
 latsi' ná' lu' iyaba canu làa
 cca guyu ca lu'.

¹⁴Ca ángeli nna, ti'ání ná cabi nì'i.
 Pues iyaba ca ángeli nna labí rila'ni
 ri'u cabi porqui'ni ná cabi ttu clase
 de espíritu nna tse'e cabi ru'a lo
 Tata Dios nna runi cabi mandado
 qui'e. Lèe nna rithèl'le'e cabi guni
 cabi cualàni ri'u canu chi ríalatsi'
 ri'u nna ribèda ri'u i'yu tsá qui'ni
 l'lá ri'u.

2 Acca ná qui'ni hue'él-la' latsi'
 ri'u tsíalatsi' ri'u adiru tse' ca
 titsa' lí nu chi biyénini ri'u, para
 qui'ni làa l'la'a ri'u néda qui' Tata
 Dios. ²Ca tiempo antigua nna, Tata
 Dios nna gutixè'e ca titsa' qui'e
 por medio de ca ángeli, hua yù
 ri'u qui'ni nu gutixà'a cabi nna nà
 titsa' lí. Iyaba ca ènni'a canu labí
 beni caso ca biya ra ca ángelia ca
 nna beni lá ca tul-la' nna, làcça nna
 uccua ca sufrir castigo nu guthèl-la'
 Tata Dios, porqui'ni anía uccua
 ca merecer. ³Ri'u nna canchu labí
 guni caso ri'u nu ra Tata Dios ti'iyã
 iýeni ná la' huacca qui'e para l'la
 ri'u, ti'álá modo rulábalatsi' ri'u
 qui'ni làa cca ri'u castigar nì'i. La'a
 mísmuba Señor Jesucristua nna
 gutixa'ánie ca enne' tse'e lani e
 ti'iyã modo gata' salvación qui'
 cabi. Làniana canu biyénini cabi
 loti' rinnie ca tìtsi'í nna, làcabi nna

gutixa'áni cabi ri'u qui'ni ca títsa'a nna ná cã nu lí. ⁴A'hua beni cabi iýtsete' ca milagro por medio de la huacca qui' Tata Dios a'hua adí ca cosa nu rulue' qui'ni Espíritu Santo nna betie iýtsete' clase de capacidad qui' cabi tì'a calatsi'e qui'ni guni cabi, para qui'ni egà'na ri'u seguro qui'ni nu gutixà'a cabi para l-lá ri'u nna ná lí.

⁵Pero Tata Dios nna alàa betie poder qui' ca ángel para cu'ubia' cabi yétsiloyu cubi nu chì' da'la nu riquixà'a' anna, ⁶sino qui' ca enne' la, porqui'ni ttu lèttia lo Escritura nna ra í:

Cuiã'lu' Tata Dios,
Ti'ání modo ribèqquia cuiã'lu'
intu' cuenta ti'batsi yala
dacca' tu' nì'i para éxalatsi'
cuiã'lu' intu'.

⁷Cuiã'lu' nna beni cuiã'lu' intu',
Para qui'ni por ttu tiempo to'
nna uccua tu' adí menos
tì'chu ca ángeli.

Pero anna chi bedàliani cuiã'lu'
intu' para ccá tu' enne' adiru
dacca' tì'chu làcabi.

⁸Chi nani cuiã'lu' qui'ni cu'ubia'
tu' lo iyaba ca cosa.

Ra lo Escritura qui'ni Tata Dios nna chi nanie qui'ni iyaba ri'u ca enne' nna cu'ubia' ri'u lo iyaba ca cosa, quiere decir, iyábani nu té. Pero hua yù ri'u qui'ni álahua iyábani ca cosa runi cã ri'u obedecer anna.

⁹Pero hua yù ri'u qui'ni dua ttu ènne'yu' láa Jesucristo. Lèe nna por ttu tiempo to' uccue adí menos tì'chu ca ángeli, para qui'ni por la retúalatsi' qui' Tata Dios lani ca enne' nna acca chi gùtti Jesucristua para bien qui' iyaba ri'u. Jesús nna

chi bedàliani Tata Dios bi, annana chi née enne' ýeni por sufrimiento qui'áa loti' gùttie.

¹⁰Tata Dios nna benie iyábani nu té para la'a mísmuba lèe nna calatsi'e qui'ni iyaba ri'u ca ýì'nie nna tsé'e ri'u ýiabara' lani lèe. Acca chì bá nanie qui'ni Jesucristua nna uccua duel-la' uccue sufrir para qui'ni anía modo nna chi née adiru enne' ýeni de rudilèe iyaba ri'u.

¹¹Jesús nna reyeie ca tul-la' qui' ca enne' para qui'ni ccá cã enne' nàri. Làcã nna a'hua lèe nna ttùba Padre Dios dua qui' quí. Acca Jesús nna bihua rugà'ne ri'u adí menos, sino lani la' redacca' latsi' gá huée ri'u: hermanos quia'. ¹²Tì'a rèe lo títsa' qui'e ga'na escrito:

Inte' nna quixa'ánia' ca
hermano quia' ca títsa' nu cca
qui' cuiã'lu' Tata Dios.

Inte' nna gúl-la'a' himnos para
gudàliania' cuiã'lu' canchu
chi retùppa iyaba ca enne'
para guni cã cuiã'lu' adorar.

¹³Ra huée:

Inte' nna gappa' confianza lani
Tata Dios.

A'hua rèe:

Nì dua' lani iyaba canu ríalatsi',
Chi ná cã ýì'nia' porqui'ni Tata
Dios nna chi bènne cã quia'.

¹⁴Jesús nna gá huée ri'u: Ýì'nia'.
Acca la'a mísmuba lèe nna uccue ènne'yu' tì'a ri'u lani cuerpo nna réni nna, para qui'ni por medio de lù'uti qui'áa nna gul-lùye latsi' numalua enne' té poder quì'í lani lù'uti. ¹⁵A' modo nna bedilèe ri'u latsi' ní'í nna labiru ratsini ri'u lù'uti tì'chu beni ri'u antes de tse'e ri'u bajo la' rulábalatsi' de lù'uti

tulidàba. ¹⁶Hualígani Jesús nna bité alàa para gunie cualàni ca àngeli, sino para ri'u lá iyaba ri'u canu ríalatsi' tì'a Abraham enne' huíalatsi' tiempo antigua. ¹⁷Acca uccua duel-la' uccue ènne'yu' tì'ba ná ca hermano qui'e, quiere decir tì'ba ná ri'u, acca yala retúalatsi'e ri'u nna runie ri'u representar ru'a lo Tata Dios por iyaba nu riquí'na'ni ri'u, porqui'ni née enne' tse' nna née sacrificio por ca tul-la' qui' ri'u. ¹⁸Jesús nna yùe tì'i'ya modo gunie cualàni ri'u canchu íl-lani bi'ya prueba, porqui'ni a'hua la'a mísmuba lèe nna uccue sufrir por i'yetse' ca prueba.

3 Lebi'ì ca hermano quia', chi ná le enne' qui' Tata Dios, lèe nna chi gutà'ye le para tsé'le le ÿiabara' làti dúe. Acca lebi'ì nna ná qui'ni gulaba tse' latsi' le nu cca qui' Cristo Jesús enne' née apóstol nna sacerdote nu yala dacca' para ri'u canu ràppa ri'u e confianza nna rinnie parte ri'u ru'a lo Tata Dios. ²Dios nna becuí'e Jesús para guni bi tsìnì nna beni bi cumplir iyaba nu rèe qui'ni guni bi, tì'a Moisés nna benià cumplir iyaba nu ra Tata Dios qui'ni gunià entre iyaba ca enne' qui'e nna le' yú'u qui'e nna. ³Ttu nubeyu' lani ca ÿi'nì nna, adí enne' dacca' ná nubeyu'a tì'chu familia qui'ì porqui'ni nà tàta qui' yú'u qui' cania. Acca Jesús nna adí enne' ÿeni née tì'chu Moisés para gudàliani ri'u e. ⁴Porqui'ni ttu ttu yú'u nna siempre dua enne' benià na edificar. Pero Tata Dios nna adiru dàqqe'e porqui'ni labéè ènni'a beni iyaba ca cosa nu té. ⁵Moisés nna uccua terubà ttu

huenitsina ba le' yú'u qui' Tata Dios nna benià cumplir iyaba nu rèe qui'ni gunià para iyaba ca enne' qui'e tiempo lanía. Iyaba nu gutix'à Moisés tiempo lanía, pues Tata Dios chi benie na declarar claru taá anna. ⁶Cristo nna runi huéè iyaba nu rú'ulatsi' Tata Dios porqui'ni née Ýi'ni áa, quiere decir qui'ni née Xana' yú'u qui'e. Ri'u canu ríalatsi' nna rulue'ní qui'ni ná ri'u familia qui'e canchu bíttuá gátsini ri'u bi'ya rena ca enne' nna gappa ri'u confianza Tata Dios por nu chì' da'la hàsta qui'ni canchu chi itsina' ri'u lani lèe.

⁷Ná qui'ni guni ri'u nu ra Espíritu Santo lo ca titsa' nu chi ga'na escrito:

Canchu chi riyénini le ca titsa' qui'e natsá,

⁸Bittu cca le enne' losto' duro tì'a beni cà tiempo lanía loti' redúdítsini cà ne de yù'u cà néda nna,

Beni cà nu labí ná qui'ni guni cà. A' modo nna beni cà ne probar canchu itsa'ánie.

⁹Beni cà inte' probar canchu xiaba itsa'á te' cà nna labiru etúa látsa' ya' cà,

Màsqui'ba bilá'ni cà qui'ni durante chù'a' ida nna puro favor benia' lani cà.

¹⁰Por mal nu beni cà acca betù paciencia quia' lani ca ènni'a nna pá'a' Moisés:

Lo losto' quì tulidàba rulábalatsi' quì l'hà'a cà néda nu ná lí, Labí calatsi' quì gunibia' cà nu rú'ulátsa'a'.

¹¹Acca bitsa'á te' cà nna nia': Hualígani te' nia' qui'ni nunca labí itsina' cà làti ccá cà ttùba

lani inte' para édi' huá latsi' quí.

¹²Acca lebi'í hermanos, lihue' cuidado qui'ni làa ccá malo la' rulábalatsi' qui' le nna gúttse'e latsi' le Tata Dios de labiru ríalatsi' le bi'ya rée. ¹³Sino liquixà'ani luetsi le para gappa le adí fuerza para espíritu qui' le, a' ná qui'ni guni le natsá nna uxé nna ttu tsá bá tì'a ra lo ca títsa' nu ga'na escrito, miéntraste teéru tiempo; porqui'ni anía modo nna labiru guni le obedecer la' necio nu rú'ulatsi' tul-la' qui'ni guni le nna ccá le enne' losto' duro lani Tata Dios.

¹⁴Porqui'ni iyaba ri'u canu ríalatsi' nna, canchu guni ri'u seguir ríalatsi' ri'u nu ra Tata Dios hàsta canchu chi tsé'le ri'u lani lèe, tì'a confianza gùppa ri'u e néru, pues anía modo ttélni ri'u qui'ni chi té parte qui' ri'u de nu cca qui' Cristua. ¹⁵Nui nna ná ca títsa' qui' Tata Dios nu ga'na escrito:

Canchu chi riyénini le ca títsa' qui'e natsá,

Bittu cca le enne' losto' duro tì'a beni çà tiempo lanía loti' redúdítsini çà ne.

¹⁶Nuni canuá biyénini títsa' qui' Tata Dios, làniana bedúdítsi lání çà ne cá. Tsí álahua iyaba ca enne' canu beria çà le' país Egiptua lani Moisés cá. ¹⁷Núní beni çà qui'ni bitsa'áni Tata Dios durante chù'a ida cá. Tsí álahua ca enne' canu beni çà nu ra Tata Dios qui'ni ná tul-la' canchu guni çà na cá. Acca, por ca tul-la' nu beni çà nna, gùtti çà lo néda nna labí bitsina' çà làti ccá çà ttùba lani e para édi' huá latsi' quí. ¹⁸Nuni canuá rée qui'ni

nunca labí itsina' çà nì'i. Canu bedúdítsini çà ne. ¹⁹Yù ri'u qui'ni labiru huá latsi' quí, acca Tata Dios nna labí be'él-le'e çà qui'ni itsina' çà loyu nu rée çà qui'ni ccá qui' quí.

4 A'hua ri'u nna chi ra Tata Dios qui'ni té permiso qui' ri'u itsina' ri'u làti ccá ri'u ttùba lani lèe para édi' latsi' ri'u. Acca ná qui'ni yala cuidado hue' ri'u guni ri'u nu rée miéntraste ràyie ri'u, para qui'ni lanú nu'ya ttu le nna itò le nna làa itsina' hua le. ²Porqui'ni ri'u tì'a ca ènni'a nna chi biyéni huáni ri'u ca títsa' nu rulue' ti'i'ya modo l-lá ri'u. Là canuá nna tsè'ba biyénini çà ca títsa'a, pero labí gùl-la' çà nu ná qui'ni gal-la' çà, porqui'ni labí huá latsi' quí de riyénini çà nu rée.

³Làteruba ri'u canu ríalatsi' ri'u nu ra Tata Dios ná ri'u ttùba lani lèe de chi belùye tsina qui'e nna redi' latsi'e. Pero nu cca qui' ca ènni'a nna rée:

Acca bitsa'á te' çà nna nia':

Hualígani te' nia' qui'ni nunca labí itsina' çà làti ccá çà ttùba lani inte' para édi' huá latsi' quí.

Anía rée átsi'íní dèsdèba chi benie yétsiloyu nna yíaba nna belùye tsina qui'e nna chi nanie qui'ni édi' huá latsi' quí, ⁴tì'a chi ga'na escrito làti rée nu cca qui' tsá gátsia:

Tata Dios nna belùye tsina qui'e, làniana bi'yu tsá gátsi nna redi' latsi'e hàsta anna.

⁵A'hua attu vuelta ra lo títsa' nu ga'na escrito làti rée:

Nunca labí itsina' çà làti ccá çà ttùba lani inte' para édi' huá latsi' quí.

⁶Ca enne' canu biyénini primeru ca títsa' nu rulue' ti'i'ya modo l-lá çà

nna labí benibia' cą ti'iŷa tse' ná la' redi' làtsi'a, porqui'ni labí beni cą ne obedecer, acca yù ri'u qui'ni hua tse'éru adí canu hualigani gunibia' cą ti'iŷa tse' ná la' redi' làtsi'a.

⁷Acca Tata Dios nna benie señalar ttu tsá, quiere decir natsá nna raŷie ri'u natsá por medio de ca títša'a nu gunne David, tì'a ra ca títša'a:

Canchu chi riyénini le ca títša' qui'e natsá,

Bittu cca le enne' losto' duro,

Lítsiá tabá latsi' le.

⁸Josué nna gùche' bi adí ca enne' israelita làti té loyu làti bete Tata Dios qui' qui' nna bedi' latsi' qui, pero nunca labí benibia' cą la' redi' latsi' nu ná adí tse', porqui'ni iŷé ida después de Josué, làniana Tata Dios por medio de David nna gùnnie nu cca qui' attu tsá de la' redi' latsi' para ca enne' qui'e.

⁹Acca yù ri'u qui'ni hua té attu la' redi' latsi' para ca enne' qui' Tata Dios, quiere decir ttu la' redacca' latsi' para làcą porqui'ni édi' latsi' qui' tì'a redi' latsi' Tata Dios dèsdeba tsá gàtsia hàstaba anna. ¹⁰Porqui'ni iyaba ca enne' canu nabia'ni cą ti'iŷa tsè' ná la' redi' làtsi'a tì'a nu té qui' Tata Dios nna, chi bil-lùŷa tsina qui' qui' tì'a Tata Dios chi belùŷe tsina qui'e. ¹¹Acca ri'u nna ná qui'ni guni ri'u duel-la' para gata' permiso qui' ri'u itsina' ri'u ŷiabara' làti tsé'e ri'u lani Tata Dios nna édi' huá latsi' ri'u lani e. Acca ná qui'ni hue' ri'u cuidado làa guni ri'u contra ca títša' nu rèe tì'a beni ca enne' gutsé'e tiempo lanía nna labí benibia' cą la' redi' latsi' qui'e.

¹²Porqui'ni Tata Dios por medio de títša' qui'e nna té iŷeni la'

huacca qui'e gúnnée la' labàni qui' ri'u. Adí la' huacca té títša' qui' Tata Dios tì'chu ttu machete nu totse' chùppa ládui, porqui'ni por medio de ca títša' qui'e nna ruláppe'e espíritu qui' ri'u hàsta lo losto' ri'u nna la' labàni qui' ri'u nna para qui'ni ccá saber canchu tse' ná la' rulába latsi' qui' ri'u o canchu labí, ą'hua iyaba nu calatsi' ri'u qui'ni guni ri'u. ¹³Iyaba ca cosa nu beni Tata Dios nna labí la' huacca té qui' qui' para gucàtsi' lo qui' sin qui'ni làa yùe iyaba cą. Hua rilá'nie iyate nna runie qui'ni íla'lo itute nna, ná qui'ni gute ri'u cuenta lani Tata Dios iyaba nu beni ri'u.

¹⁴Acca ri'u canu rena ri'u qui'ni ríalatsi' ri'u Jesús nna ná qui'ni guni ri'u seguir tanó ri'u e exxa tabá. Porqui'ni Jesús nna née ŷi'ni Tata Dios, chi deyye ŷiabara' nna née sacerdote nu yala dacca' para ecàbie parte ri'u ru'a lo Tata Dios. ¹⁵Màsqui'ba née sacerdote nu yala dàcca' qui' ri'u, pero retúa latsi'e ri'u tulidàba porqui'ni yùe ti'iŷa ná la' ritè qui' ttu enne' porqui'ni uccua huée ènne'yu' le' yétsiloyu nna iŷé vuelta uccue probar canchu gunie mal tì'a ri'u, pero nìdi ttu tul-la' nna labí benie. ¹⁶Acca chi bi'yu tsá qui'ni ibiga' ri'u lani confianza hàsta meru gani lugar làti duani Tata Dios lo trono qui'e para gúnnée adí favor qui' ri'u, porqui'ni née enne' de la' retúa latsi' para lani ri'u nna guni tabée ri'u cualàni de runi ri'u oración lani e por biŷa necesidad nu té qui' ri'u.

5 Tiempo lanía nna gutsé'e ca ènne'yu' becàbi cą parte ca enne' israelita ru'a lo Tata Dios nna

gunne cą parte yétsi qui' canía por ca cosa nu ná qui'ni gute cą cuenta lani e. Ca ènne'yu'a nna entre ca enne' israelita becué' Tata Dios cą para ccá cą sacerdote nna gute cą biyā qui'e por ca enne' israelita, ą' modo nna beyàtta'yú cą lani Tata Dios por ca tul-la' qui' canía. ²A'hua la'a mísmuba ca sacerdotéa nna labí bechia cą làa cu'u cą falta, acca gutelíni cą ti'i'yā ná la' ritè qui' ca enne' para gappa cą la'yeni lani ca enne' yétsi qui' canía, lani canu labí yú cą, ą'hua lani canu gulú'u falta. ³Sacerdote nu adiru dàcca'a nna uccua duel-la' qui'ni gutiā biyā para eyàttayúą lani Tata Dios, aláa tsuą' teruba por ca tul-la' qui' ca enne' qui' yétsi qui' niá sino ą'hua por ca tul-la' nu cca qui' la'a mísmuba la, porqui'ni ą'hua la nna gulú'u huą' falta.

⁴Lanu enne' ína qui'ni ccą sacerdote por la' huacca qui' la'a labí. Sino Tata Dios ba enni'a nua' rāyie na para ccą sacerdote tì'a benie lani Aarón, porqui'ni ná ttu tsina nu yala dacca'. ⁵Cristua nna née sacerdote qui' ri'u ru'a lo Tata Dios, pero labí bedàliani la'a labée para quée sacerdote, sino Tata Dios nna becuí'e bi nna rée bi:

Lu' nna ná lu' Yì'nia',
Annana chi ritelíní qui'ni ná'
Tata qui' lu'.

⁶Tì'a rée attu lettia lo titsa' nu ga'na escrito:

Guni lu' representar ca enne'
quia' ru'a lua',
Porqui'ni ná lu' sacerdote para
siempre tì'a Melquisedec.

⁷Cristua nna loti' gurèni rùe le' yétsiloyu nna yala oración benie

ru'a lo Tata Dios nna gunàbanie Tata Dios, ą' benie lani itute làtsi'e hàsta qui'ni gurètsiníe lo runie oración, porqui'ni hua yùe qui'ni yala la' huacca té qui' Tata Dios para gudilè bi de lo lù'uti. Tata Dios nna becàbie oración qui' bi porqui'ni beni bi reconocer voluntad qui' Tata Dios. ⁸Cristua nna née Yì'ni Tata Dios, pero por medio de sufrimiento nu gutie nna acca chi nabia'nie biyā nua' ná qui'ni guni ri'u obedecer nu ra Tata Dios. ⁹Benie iyate nu ra Tata Dios hàsta qui'ni gùttie, acca por nui nna lèe nna née enne' gudilè para siempre iyaba canu runi cą nu rée. ¹⁰Tata Dios nna rée qui'ni Cristo nna née enne' recàbi parte ri'u ru'a lúe, tì'a beni Melquisedec.

¹¹Iyé enseñanza té nu cca qui' Cristo ti'i'yā née sacerdote tì'a Melquisedec, pero yala tàbi ná para quixa'anía' le porqui'ni labí gana té qui' le para ttélíni le. ¹²Chi bì'yu tsá qui'ni la'a lebi'i ba nna gata' capacidad qui' le para gulue'ni le adí ca enne' enseñanza nu ra lo titsa' qui' Tata Dios, pero labí ccani le porqui'ni riquina'áruni le qui'ni nuyā quixá'anią' le attu vuelta ca cosa primero nu ra lo titsa' qui'e. Chi beyequia le cca le débil nna labí ruchia le guni le recibir alimento nu runna fuerza qui' espíritu qui' le, sino apena ni runi le recibir ca enseñanza nu biyénini le primero. ¹³Iyaba ca néne to' nna lani leche teruba cca cą alimentar, ą'hua lebi'i nna labí chi nabia'ni le ti'i'yā ná para guni le nu ná tse' conforme lani titsa' qui'e. ¹⁴Pero ca alimento sólido nna álahua ná

para ca néne to', sino para canu chi biyèni tí' çà, canu chi nabia'ni çà ti'iya modo gucué' çà entre nu ná tse' nna nu ná mal nna.

6¹⁻²Bíttuúru ná qui'ni equixá'ani tu' le attu vuelta la'a mísmuba enseñanza nu chi biyénini le primero loti' gùdulo le tanó le Cristo. Bíttuúru ná qui'ni riquína'ni le qui'ni nuya equixá'ania le attu vuelta nu chì bá huálatsi' le primero, por ejemplo: qui'ni caduel-la' ehuini'ni le nna gúttse'e latsi' le ca cosa mal nu beni le antes nu runi qui'ni nitti le, a'hua para tsíalatsi' le Tata Dios, a'hua ca enseñanza nu cca qui' ca bautismo nna, a'hua ceremonia de rutsia nuya ní'ì iquua le nna, a'hua enseñanza qui'ni canu yatti nna ná qui'ni eyatha çà de lo bà qui' qui, a'hua nu cca qui' juicio para tsía ca enne' làti tsé'le çà para siempre. Chi nabia'ni le ca cosá'. Pero anna taá ná qui'ni guni la ri'u duel-la' ttelini ri'u adí ca enseñanza nu runi qui'ni gata' adí fuerza espiritual qui' ri'u para ccá ri'u enne' adulto. ³A' guni ri'u dèsdeba anna por cualàni qui' Tata Dios.

⁴⁻⁶Tse'e ca enne' canu chì bá nabia'ni çà ti'iya tse' ná la' yani' nu runna Tata Dios lo losto' qui, a'hua chi nabia'ni çà ca bendición nu ya runna bée lani çà, a'hua chi guyi' çà tí' la' huacca nu bete Espíritu Santo qui' qui, a'hua chi nabia'ni çà ti'iya tse' ná titsa' qui' Tata Dios, a'hua chì bá nabia'ni çà tí' la' huacca nu chì da'la ti'iya tse' ccá. Canchu làçà nna l-la'a çà néda lí nna eyéquia çà attu tì'ba antes nna, ti'álá modo eyequia çà lani

Tata Dios nna eyacca çà arrepentir tì'a beni çà primero ni'ì, porqui'ni ca hecho qui' qui nna rulue' ti'atsi rutaá' çà Yi'ni Tata Dios attu lo curutsi para làçà nna runi ca enne' burla lù'uti qui'áa. ⁷Biya tediba loyu ni de runia recibir inda iyya cua' cca bá iyya nna, canchu chi íl-lani ca planta to' canu riyu' para canu runi tsina le' lóyúa, entonces ina ri'u qui'ni ná ttu loyu de bendición. ⁸Pero canchu íl-lani puro ca ixi' èttse' bá nna, entonces ná ttu loyu nu labí dacca' iyu', sino lo peligro bá tíq para tsu'a yi'.

⁹Pero lebi'ì ca hermano to' quia', masqui' yala titsa' dí' chi gunèni tu' le anna, pero bíttuhuá rulába latsi' tu' qui'ni labiru riyu' le lani Tata Dios, sino ga'na lá tu' seguro qui'ni runi la le nu rú'ulatsi'e, ca cosa nu rulue' qui'ni chi té salvación qui' le. ¹⁰Tata Dios nna runie nu ná tse' tulidàba, labí riyùl-lanie iyaba nu chi beni le por lèe, nìhua ti'iya tse' chi beni le cualàni adí ca enne' qui'e tì'a runi le tulidàba porqui'ni yala catsi'íni li e. ¹¹Yala calatsi' tu' qui'ni ttu tsa le nna guni le nu ná tse' lani itute latsi' le ituba cabàni le le' yétsiloyu tì'a chi runi le, para qui'ni thí' le iyaba ca bendición nu ribèda le gunna Tata Dios qui' le. ¹²Labí calatsi' tu' qui'ni gúttse'e latsi' le responsabilidad nu té qui' le, sino qui'ni adila hue'él-la' latsi' le ccá le tì'a canu gùppa çà la'ÿeni nna huálatsi' qui' tulidàba, acca ridi' çà ca bendición nu ra Tata Dios qui'ni gutie qui' qui.

¹³Tata Dios nna loti' rée Abraham biya gutie qui' bi, beni e na seguro. Lanú attu enne' té nu adiru dacca'

tì'chu Tata Dios para quée testigo por biya, acca rée qui'ni la'a labée nna quée responsable por nu chi rúnie Abraham ofrecer, ¹⁴nna rée Abraham: Hualigani te' nia' lu' qui'ni gunia' lu' bendecir nna itsina' ttu yi'ni nubeyu' qui' lu' nna ca yi'thua lu' nna hàsta tsé'e iyetse' ca descendiente qui' lu'. ¹⁵Abraham nna gulèda bi lani la'jeni, làniana bi'yu tsá bitsina' ttu yi'ni bi, ti'a chi beni Tata Dios bi prometer. ¹⁶Ca enne' nna canchu chi runi ca biya arreglar nna ná qui'ni gudu ca por testigo ttu enne' nu adiru dacca' ti'chu làca, para egà'na ca seguro qui'ni guni ca na cumplir. ¹⁷Acca Tata Dios nna bedue por testigo la'a labée para quée responsable para gunie iyate nu chi rée, anía modo benie para qui'ni canu ná qui'ni thí' ca nu chi rée nna egà'na ca seguro qui'ni gutie na qui' qui'. ¹⁸Primérote rée: i'j gunia'. Làniana rée qui'ni la'a labée nna quée enne' cca responsable para gunie cumplir nu rée. Por chùppa ca cosj nna acca ga'na ri'u seguro qui'ni gunie cumplir nu rée, porqui'ni labí modo té guni latsi' Tata Dios porqui'ni labí née enne' be'ia. Chi bedilè ri'u le' peligro, acca yala redacca'ni ri'u porqui'ni anna ga'na ri'u seguro de ribèda ri'u qui'ni gúnnée qui' ri'u bendición nu rée. ¹⁹Ttu barco nna yala seguro nà canchu chi yada ancla qu'ij liú'u inda. A'hua ri'u nna yala seguro ná ri'u por fe nu té qui' ri'u qui'ni l'laa ri'u, chi ná ri'u ttùba lani Tata Dios hàsta le' templo yiabara' attu lado làti dàa cortína, ²⁰lugar làti guta'a Jesucristua primero para ithàlie néda qui' ri'u

nna gatta'yúnie Tata Dios por ri'u, porqui'ni née sacerdote qui' ri'u tulidàba ti'a Melquisedec.

7 La'a mísmuba Melquisedec nna uccua bi enne' rigú'ubia' qui' ttu yétsi là Salem, uccua huá bí sacerdote ru'a lo Tata Dios. Tiempo lanía Abraham nna huá bi lo guerra nna beniã gana contra iyetse' adí ca enne' rigú'ubia'. De chi deyya bi lo néda nna, làniana Melquisedec huá bi tàttse'e bi nna gunàbani bi Tata Dios qui'ni gunie Abraham bendecir. ²Iyaba ca riqueza nu guyi' Abraham lo guerra nna, pues gaa parte teruba uccua qui' bi, pero attu parte qui' bía nna bete tabá bi a lani Melquisedec. Nombre Melquisedec nna quiere decir: Enne' Rigu'ubia' Nu Runi Tulidaba Nu Ná Tse'. Uccua bi enne' rigú'ubia' qui' ttu yétsi láa Salem. Salem nna quiere decir: La'jeni. A'hua láa bi ti'a rena ri'u: Enne' Rigu'ubia' Nna Runna Bi La'jeni. ³Labí riquixa'a lo Escritura nombre qui' tàta nàna qui' Melquisedec nìhua nombre qui' ca tà' tàta qui' bi, ti'átsí labí gùlia bi nna nìhua labí gùtti bi nna, ttu sacerdote tulidàba sin fin qui' bi, ti'a Yi'ni Tata Dios.

⁴Anna riquixa'ánia' le ti'iyá enne' jeni ná Melquisedec. Por ejemplo, Abraham nna uccua bi enne' dacca' porqui'ni uccua bi tàta qui' ttu raza nna nación nna, átsi'fíní Abraham nna bete bi qui' Melquisedec ttu parte qui' iyaba ca riqueza nu beni bi gana lo guerra. ⁵Lo ley qui' Moisés enne' gùdua bitola de chi gùdua Abraham nna ra qui'ni iyaba ca sacerdote canu ná cabi descendiente qui' Leví

nna ná qui'ni guni cabi recibir qui' ca enne' israelita ttu parte qui' iyaba interés qui' qui. 4 Beni ca enne' Leví recibir màsqui'ba ca enne' israelita nna ná ca pariente qui' cabi, porqui'ni a'hua ca enne' israelita nna ná ca descendiente qui' Abraham tì'a Leví. 6 Pero Melquisedec nna bihua ná bi familia qui' Leví, pero beni bi recibir ttu parte qui' iyaba ca riqueza qui' Abraham enne' chi ná qui'ni cca bi enne' ÿeni tì'ba ra Tata Dios. Melquisedec nna benie Abraham bendecir. 7 Iyaba ri'u chi yù ri'u qui'ni adiru enne' ÿeni ná enne' nu runi bendecir, tì'chu enne' cca bendecir. 8 Ca sacerdote qui' ca enne' israelita nna beni cabi recibir ttu parte qui' iyaba interés qui' ca enne' qui' cabía, pero gùtti huá cabi. Pero Melquisedec nna beni hua bi recibir diezmo, a'hua por ca titsa' nu ga'na escrito nna ritelíní qui'ni lèe nna bànie tulidàba. 9 Leví nna a'hua iyaba ca sacerdote canu ná ca descendiente qui' Leví hàstaba anna, pues làcã nna runi ca recibir ttu parte qui' iyaba ca interés qui' ca enne' israelita, pero ína ri'u qui'ni làcã nna bete huá ca qui' Melquisedec ttu tsìi parte qui' iyate nu té qui' qui' loti' Abraham nna bete bi ttu tsìi parte nu té qui' bía lani Melquisedec, màsqui'ba labí chi bitsina' ca le' yetsiloyu. 10 Loti' Melquisedec huíe táttse'e Abraham nna labí chi gùlia Leví enne' ná ÿi'ni ÿìthua Abraham, pero ina ri'u qui'ni Leví lani iyaba ca descendiente qui' bi nna tsè'e cabi cuè'e Abraham.

11 Ca sacerdote ca enne' ná descendiente qui' Leví nna Aarón nna gutixà'a cabi nu ra lo ley qui' Moisés lani ca enne' israelita. Cáala té la' huacca qui' cabi para íche' cabi ca enne' ru'a lo Tata Dios, canu runi ca seguir nu ra lo ley qui' Moisés nna, pues ti'ala modo acca uccua duel-la' qui'ni Tata Dios nna ithèl-le'e Jesús para quée sacerdote qui' ri'u, enne' née tì'a Melquisedec ni'i. Labiru guthèl-le'e attu sacerdote tì'a Aarón. 12 Tata Dios nna guthèl-le'e ttu sacerdote cubi qui' ri'u. Para qui'ni ccá permitir nui nna uccua duel-la' qui'ni itsiání ley qui'e làti ra nu cca qui' ca sacerdote. 13-14 Hua yù ri'u qui'ni lo ca titsa' nu ga'na escrito nna ra qui'ni Jesucristua nna bihua née descendiente qui' Leví sino ná lée descendiente qui' attu israelita huaya' láã Judá. Judá nna bihua uccua bi sacerdote nìhua descendiente qui' nuÿa sacerdote, pues Moisés nna bihua ra bi ca enne' Judá qui'ni ccá ca sacerdote.

15 Anna adiru claro ná qui'ni uccua duel-la' qui'ni itsiání ley qui' Tata Dios làti ra nu cca qui' ca sacerdote, porqui'ni chi gùl-lani Señor qui' ri'u enne' née attu sacerdote huaya', pero tì'a Melquisedec. 16 Cristo nna née sacerdote qui' ri'u, aláa porqui'ni née descendiente qui' nuÿa tì'a runi obligar ley, sino porqui'ni la'a labée nna adí la' huacca té qui'e en vista de qui'ni bànie tulidàba sin fin. 17 Lo ca titsa' qui' Tata Dios nu chi ga'na escrito nu cca qui' Cristo nna ra:

Guni lu' ca enne' quia'
 representar ru'a lua',
 porqui'ni ná lu' sacerdote
 para siempre tì'a Melquisedec.

¹⁸Mandamiento antigua nu
 gùduloni Aarón para ccá sacerdote
 a'hua ca descendiente qui' niá
 nna, labiru dacca' mandamiento
 antigua porqui'ni labí la' huacca
 té qui'lí para itsìna' ri'u lani Tata
 Dios. Acca labí ríy'u'á para qui'ni l-lá
 nu'ya. ¹⁹Ley qui' Moisés nna labí la'
 huacca té qui'lí para cuequia nàriá
 ri'u ru'a lo Tata Dios. Pero anna té
 adí la' redacca' latsi' qui' ri'u de
 ribeda ri'u, porqui'ni por medio de
 nu ra lo evangelio nna hua té modo
 anna para itsina' ri'u lani Tata Dios.

²⁰Tata Dios de rèe qui'ni Cristo
 nna quée sacerdote para siempre,
 benie na seguro de ra huée
 qui'ni la'a mísmuba lèe nna quée
 responsable. Acca ína ri'u qui'ni
 Tata Dios nna benie na seguro de
 bedue por testigo la'a labée. Pero
 labí juramento beni Tata Dios loti'
 ca descendiente qui' Leví gùdulo
 cã cã sacerdote. ²¹Pero Jesús
 nna née sacerdote por medio de
 juramento, porqui'ni Tata Dios nna
 rèe lo ca titsa' nu ga'na escrito íy:

Inte' Señor nna nia' lu' qui'ni
 guni lu' ca enne' quia'
 representar ru'a lua',
 Porqui'ni ná lu' sacerdote para
 siempre tì'a Melquisedec,
 Chi beni ya' a' seguro lani
 juramento,
 Labí gútsianíá' la' rulaba latsi'
 quia'.

²²Tata Dios nna née responsable
 para gunie cumplir nu rèe, acca
 Jesús nna née enne' té poder qui'e

para qui'ni egà'na ri'u seguro
 qui'ni titsa' cubi nu riquixé'e lo
 evangelio nna ná adiru tse'. ²³Ttu
 sacerdote nu ná descendiente qui'
 Leví nna labí té modo qui'lí guniá
 representar ca enne' qui' niá ru'a lo
 Tata Dios tulidà, porqui'ni i'yu tsá
 qui'ni gattiá. Acca iyetse' sacerdote
 gutsé'e dèsdeba Aarón. ²⁴Pero
 Jesús nna runie ri'u representar
 ru'a lo Tata Dios tulidàba porqui'ni
 Jesús nna bànie para siempre nna
 nunca labí ugà'ne tsina qui'e lani
 attu nu huaya'. ²⁵Acca Jesús nna té
 la'huacca qui'e gudilè para siempre
 iyaba ri'u canu ibiga' ri'u lani Tata
 Dios por nombre qui'e, porqui'ni
 bànie para siempre, acca dúe ru'a lo
 Tata Dios tulidàba para gatta'yúnie
 Tata Dios por ri'u.

²⁶Acca Jesús nna née sacerdote
 adiru enne' dacca', enne' riquína'ni
 ri'u. Lèe nna adiru enne' tsè' née
 para thúe ru'a lo Tata Dios, a'hua
 labí bi'ya la' rulaba latsi' mal té
 qui'e lani ca enne', a'hua labí tul-la'
 benie nna labí née enne' luetsi ri'u
 canu tul-la'; acca chi dúe ru'a lo
 Tata Dios le' lugar de adí la' dàliani.
²⁷Jesús nna labí née tì'a adí ca
 sacerdote, porqui'ni làcã nna ttu ttu
 tsá uccua duel-la' gúttí cã tuchùppa
 ca animal lani gutsílu según nu ra
 lo ley qui' Moisés para sacrificio
 lani Tata Dios, primero por ca tul-la'
 qui' la'a labá qui, làniana qui' ca
 enne' yétsiá. Pero Jesús nna tsa
 teruba benie sacrificio suficiente
 para iyaba ri'u para siempre, quiere
 decir loti' betie la' labàni qui'e nna
 gùttìe lo curútsia. ²⁸Lani ley qui'
 Moisés nna iyaba ca sacerdote nna
 labí la'huacca té qui' qui para guni

ca nu ná tse' tulidàba. Pero bitola nna uccua nu ra Tata Dios lani juramento, quiere decir qui'ni Ñi'nie nna née sacerdote qui' ri'u. Yù ri'u qui'ni Ñi'nie nna para siempre labí biya falta cu'úe.

8 Riquixa'ánia' le attu vuelta qui'ni chi dua ttu Sacerdote adiru enne' dacca' qui' ri'u, Jesucristo enne' dúe ñiabara' cuitta' Tata Dios lugar de adíru la' dàliani. ²Lèe nna runie tsina sacerdote le' ñiabara', làti dua Tata Dios le' templo nu beni la'a labée, aláa ca enne'. ³Iyaba ca sacerdote qui' ca enne' Israel nna, Tata Dios nna becu'fe ca para gute ca biya qui'e nna gúttí ca tuchùppa animal para guni ca ca presentar lani e para qui'ni eyuniyén latsi'e ca tul-la' qui' ca ènni'a. Annana Jesús enne' née sacerdote qui' ri'u nna uccua duel-la' gute huée biya qui' Tata Dios para qui'ni eyuniyén latsi'e ca tul-la' qui' ri'u. ⁴Jesucristua nna cáalá dùe nì lani ri'u nna, entonces labí queé sacerdote, porqui'ni chi tse'èru lani ri'u ca sacerdote canu runi ca seguir nu ra lo ley antigua nna chi runi ca presentar biya lani Tata Dios. ⁵Tsina nu runi ca sacerdote qui' ca enne' israelita nna, pues runi ca na por medio de ca cosa nu ná teruba tì'ba ná nu té ñiabara'. Porqui'ni Moisés nna loti' uccua latsi' bi guni bi templua nna ra Tata Dios bi: Hué' lu' cuidado qui'ni guni lu' a tì' tabá chi belué'nia' lu' lo í'yaá. ⁶Pero Jesús enne' née sacerdote qui' ri'u nna runie ttu tsina nu adiru dacca' ru'a lo Tata Dios tì'chu nu runi ca sacerdote canu runi ca según ley antigua,

porqui'ni titsa' cubi nu cca tsè' ca enne' Tata Dios nna adiru tse' ná, porqui'ni lo titsa' qui' evangelio nna adiru ca cosa tse' ra Tata Dios qui'ni gúnnée qui' ri'u.

⁷Primer convénia nna yala reyàtsa para íchi'a ri'u lani Tata Dios, porqui'ni cáalá labí reyàtsa nna, biecca uccua duel-la' quix'e convenio nu cca chùppa, ca titsa' cubi nu ra lo evangelio cá. ⁸Tata Dios nna yùe qui'ni ca ènni'a nna yala falta gulù'u ca de tse'e ca bajo primer convénia, acca ra lo titsa' nu ga'na escrito:

Inte! Señor nna nia' qui'ni canchu chi i'yu tsá nna, entonces quíxa'a' la' rulaba latsi' cubi quia',

Nu ná para ca enne' israelitas nna ca enne' judá nna.

⁹Ca titsa' cubi nu quíxa'a' nna labí ccá tì'na ley antigua nu benia' para ca tà' tàta qui' lía loti' bebèquua ya' ca Egiptua. Làca nna labí beni ca cumplir nu ra lo ley antigua nu ná qui'ni guni ca,

Acca inte! Señor nna nia' qui'ni labiru uccua látsa'a' ccá' ttùba lani ca.

¹⁰Canchu chi i'yu tsá nna, inte! Señor nna quixa'ánia' le ti'íya ccá la' rulaba latsi' cubi quia' para ca enne' israelitas.

Inte! nna gunia' qui'ni gunibia' ca ca ley quia' nna, Gudí'a' ca lo losto' qui.

Làca nna ttélini ca qui'ni inte' nna ná' Dios para guni ca inte' adorar,

Làca nna ccá ca yétsi quia'.

¹¹Iyaba ca nna gunibia' ca inte', dèsdeba ca huatsa to' hàstaba ca enne' gùla.

Acca làcã nna labiru caduel-la'
 quixa'ani cã ca enne' qui'
 qui' ñihua ca hermano qui'
 qui' para gá cã cã: Lu' nna
 caduel-la' gunibia' lu' Señor.
 Porqui'ni chi nabia'ni iyaba cã
 ne.

¹² Inte' nna eyuniyén látsa'a' ca
 falta qui' qui',

Labiru ccá cã castigar porqui'ni
 labí gúdía' lo qui' ca tul-la' nu
 beni cã.

A' ra Señor.

¹³ Anía gutixè'e ca cosa tse' nu ra lo
 ca titsa' cubi qui'e para ttélini ri'u
 qui'ni primer convénua nna chi ná
 viejo. Yù ri'u qui'ni biya cosa nu chi
 ná viejo nna chi' tabáduã tté qui'.

9 Lo primer convenio nu beni
 Tata Dios para ca enne' nna,
 iyetse' ca titsa' té para guni ca
 ènni'a canchu gudàliani cã ne,
 a'hua làti beni cã ne adorar, ttu
 lugar nu beni ca ènni'a. ² Beni cã
 ttu yú'u por mientras làti beni
 cã Tata Dios adorar. Le' yú'a nna
 uccuã dividir chùppa parte por ttu
 cortina nu dàa lahui' yú'a. Cuarto
 primérua nna reya cã na Lugar
 Santo. Le' cuártua nna du ttu
 candelero xeni, a'hua du ttu meya
 tsia ettaxtíla sagrada. ³ Attu lado
 làti dàa cortína nna dua attu cuarto
 reya cã na Lugar Santísimo. ⁴ Le'
 cuártua nna rilá' ttu becò nu de
 oro làti rudayi cã icienso. A'hua té
 ttu yí'na nía, bedibàga' cã na oro
 itú tabá. Le' yí'na nna yù'u chùppa
 ca íyya bereta nu ga'na escrito ca
 tsii mandamiento. Yù'u huá ttu
 vara qui' Aarón nu ná milagroso
 porqui'ni huàlia iyya qui'.

Yù'u huá ttu yethu' pero nu de oro yù'ã

alimento láã maná loti' da' iyeni
 de yiabara'. ⁵ Lo yí'na nna dàa
 chùppa ángeli nu de oro lá cabi
 querubines, nu beni ca ènni'a
 formar por mandado qui' Tata Dios,
 a' modo nna yù ca enni'a qui'ni
 hua dua Tata Dios lani la'huacca
 qui'e. Xila qui' nna dàa cã lo tapa
 qui' yí'na lugar làti bede cã réni
 qui' ttu sacrificio para qui'ni Tata
 Dios nna eyuniyén latsi'e ca tul-la'
 qui' qui'. Pero a' tegá ná nu quixa'a'
 sobre de ca cosí anna. ⁶ De una vez
 de chi ná preparado ca cosa nna,
 làniana ca sacerdotéa nna gut'à cã
 nna biria cã le' cuarto primero qui'
 templua iyé vuelta ni para guni cã
 iyaba ca cosa nu riquina' de runi
 cã Tata Dios adorar. ⁷ Pero attu
 lado làti dàa cortina labí gut'à cã.
 Làteruba sacerdotéa nu adiru dacca'
 entre ca sacerdotéa té derecho
 qui' para gá'ã, pero tsàteruba le'
 ttu ida. Canchu chi gá'ã nía nna
 uccua duel-la' qui'ni huá'ã réni qui'
 ca animal canu de sacrificio para
 guniã na ofrecer por la'a mísmuba
 tul-la' qui', a'hua por ca enne'
 canchu rigú'u cã falta labí yù cã.
⁸ Por medio de ca cosa nna, Espíritu
 Santo nna runie qui'ni ttélini ri'u
 qui'ni miéntraste templo qui' Ley
 antigua huaduá rùã nna labí chi
 biyàlia néda para gá'a ri'u le' Lugar
 Santísimo yiabara'. ⁹ Acca té ttu
 enseñanza tse' para ri'u annana:
 iyaba canu runi cã adorar Tata
 Dios según nu ra lo Ley antigua
 nna, pues iyé ca cosa rute cã lani e
 a'hua yala animal to' rútti cã para
 gute cã sacrificio lani e por ca tul-la'
 qui' qui', pero ca enne' runi a' nna
 labí la'yeni té lo losto' qui' porqui'ni

labí ga'na cą seguro qui'ni beyàcca tsè' cą lani Tata Dios por medio de ca cosa nu bete cą qui'e. ¹⁰Lo Ley antigua nna riquixá'a làteruba ca cosa nu ná qui'ni i'ya go ri'u ą'hua ca cosa nu labí ná qui'ni i'ya go ri'u, ą'hua riquixá'ą nu cca qui' ca ceremonia para ccá nàri cuerpo qui' ri'u, ą'hua iýé adí ca regla para la' labàni qui' ri'u, cosa material ba nu iýu' hàsta qui'ni Tata Dios nna gutsiánie cą nna gunie ttu cosa cubi adiru tse'. ¹¹Pero Cristua nna chi bité. Làteruba lèe nna née Sacerdote nu dacca' qui' ri'u, porqui'ni por lèe nna chi gùl-lani ca cosa adiru tse' para ri'u. Lugar làti chi gutè'e ratta'yúe por ri'u nna adiru tse' ną ą'hua ną lugar para siempre, porqui'ni álahua ną templo nu beni ca enne', pues bittu ná le' yétsiloyu. ¹²Réni nu ná sacrificio nu beni Cristua ofrecer nna labí ná réni qui' ca chivu nìhua qui' ca gu'na to', sino hua ną la'a mísmuba réni qui'áa. Acca gutè'e tsàba le' Lugar Santísimo ýiabara' para thúe nía tulidàba. A' modo por medio de lù'uti qui'áa nna bedilè ri'u para siempre. ¹³Ca sacerdotèa nna bede cą réni qui' ca chivu ą'hua réni qui' ca gu'na to'. A'hua bedàyi cą ca vaca nna bedi' tè cą ttéa nna bede tè cą na iquua ca enne' canu labí beni cą cumplir ca regla nu cca qui' ley qui' qui. Anía modo nna beyàcca nàri cą para guni cą adorar Tata Dios attu. ¹⁴A' beni cą. Pero réni qui' Cristua nna adiru tse' riýù'ą. Cristua nna por cualàni qui' Espíritu Santo enne' bànì tulidàba, benie ofrecer la'a mísmuba lèe lani Tata Dios pero sin

biýa tul-la' nna gùttie por ca tul-la' qui' ri'u. Por réni qui'áa nna acca chi ná nàri losto' ri'u nna calatsi' ri'u guni ri'u servir Tata Dios enne' bani. Labiru caduel-la' gulaba thùti latsi' ri'u para guni ri'u cumplir ca obra antigua nu cca resultar lù'uti para ri'u. ¹⁵Acca Jesucristua nna bité para gunie ttu néda cubi adiru tse' para ccá tse' ri'u Tata Dios, para qui'ni ri'u canu naýìnie nna edàcca'ni ri'u tulidàba por iyaba ca bendición nu chi rée qui'ni gúnnée qui' ri'u, porqui'ni gùttie ą'hua para qui'ni gudilè iyaba canu beni tul-la' de tse'e cą bajo primer testaméntua. ¹⁶Canchu nuýa ttu enne' guniá ttu testamento nna, pues labí dàcca'ą hàsta qui'ni chi yù ri'u seguro qui'ni chi gùtti enne' nu beni testaméntua. ¹⁷Labí thi' tè ca ýí'niá poder qui' ca interés nu rétia lo testaméntua canchu duáru ènni'a, sino hàsta qui'ni chi gùtti ènni'a. ¹⁸A'hua Ley antigua nu beni Tata Dios para ca enne' nna dacca' huą pero solamente lani réni qui' ca animal to' nu betti cą. ¹⁹Porqui'ni Moisés nna, primérute gutixà'ani bi ca enne' iyaba ca mandamiento tì' tabá nu ra lo Ley antigua. Làniana guýi' tè bi ittsa' carnero nu de color ýinà, ą'hua guýi' bi ttu planta to' lą isopo nna begà'a bi cą làti tá' réni qui' ca gù'na to' nna ca chivu to' nna chíxią inda, làniana bede tè bi réniá iquua libro làti rèni Ley nna bede hua bi iquua iyaba ca ènni'a. ²⁰Làniana gutixà'ani bi ca ènni'a: Réni nna ną seña para qui'ni cca le saber qui'ni chi guduló convenio entre lu' nna Tata Dios nna para guni li ą obedecer. ²¹Moisés nna

bede huabi réni làti beni cã adorar Tata Dios, a'hua iquua iyaba ca traste nu bequina' cã para guni cã culto. ²²Según nu ra lo Ley nna casi iyaba ca cosa caduel-la' gude cã réni iquua qui para eyacca cã nãri para qui'ni i'yù' cã para serviciuá. Tata Dios nna labí reyuniyén latsi'e ca tul-la' canchu làa ilàlia réni. ²³Lugar làti beni cã adorar a'hua iyaba ca cosa l'liú'li nna rulue' cã ti'iya ná ca cosa nu cca qui' yiabara', uccua duel-la' qui'ni eyacca cã nãri por serviciuá por medio de réni qui' ca animal; pero ca cosa meru gani qui' yiabara' nna, por medio de ttu sacrificio adiru tse'. ²⁴Porqui'ni Cristua nna chi gutè'e le' la'a mísmuba yiabara' làti due ru'a lo Tata Dios annana, née sacerdote qui' ri'u. Labí runie nui le' lugar làti ca sacerdotèa beni cã Tata Dios servir, porqui'ni lugar nã' nna uccua teruba para gulue'ni ti'iya ná nu cca qui' yiabara'. ²⁵Por ejemplo, yù ri'u qui'ni sacerdote enne' adiru dacca' entre ca sacerdote qui' ca enne' israelitas nna, la nna rà'a le' quartu Santísimo ttu ttu ida ba lani réni nu álahua qui'i sino lani réni qui' ttu animal ba. Pero Cristua nna álahua iyé vuelta gutè'e para gutie la'a mísmuba lèe por sacrificio por ca tul-la' qui' ri'u, sino tsà teruba. ²⁶Cáala ná qui'ni qué'e nía iyé vuelta, entonces dèsdeba gurè' yésiloyu nna guduló tabá quée sufrir nna gattie vuelta bá cá. Pero álahua á' benie, sino tsàba bité gùttie por ri'u ttu vuelta teruba, á' benie de cca terminar tiempo antigua, a' modo Tata Dios nna reyuniyén latsi'e ca tul-la' qui' ri'u.

²⁷Tata Dios nna chi nanie qui'ni ca enne' nna tsà teruba gatti cã; bitola nna gunie cã juzgar. ²⁸A'hua Cristua nna tsà teruba betie la'a mísmuba lèe nna gùttie para qui'ni Tata Dios nna eyuniyén latsi'e ca tul-la' qui' iyetse' ca enne'. Ilá'ni ri'u lo Jesucristua attu vuelta, pero álaáru para gata' perdón qui' ca tul-la' qui' ri'u, sino itá lée para gudilè para siempre iyaba ri'u canu ribéda ri'u e.

10 Nu ra lo ley antigua nna labí belui'a ti'iya tegá nuá ná ca bendición, sino uccua teruba ttu seña para ca ènni'a qui'ni íl-lani ca cosa tse' nu chì' da'la, nu runi Cristo para ri'u anna. Nu ra lo ley antigua nna labí la'huacca té qui'i para qui'ni yétsi israelita nna tsé'e tse' cã Tata Dios tulidàba por medio de iyetse' ca animal nu betti cã nna beni cã cã ofrecer lani e ttu ttu ida. ²Cáala té la'huacca qui' ca sacrificiua para qui'ni yétsi israelita tsé'e cã tse' tulidàba lani Tata Dios, biánicca caduel-la' gutsia cã ca sacrificiua iyé vuelta tulidàba cá. Labí la'huacca té qui' ca sacrificiua para éyi cã ca tul-la' qui' ca enne', acca yù cã qui'ni té rù culpa qui' qui' ru'a lo Tata Dios. ³Porqui'ni de runi cã ca sacrificiua ttu ttu ida nna rexa latsi' qui' ca tul-la' qui' qui' attu vuelta, ⁴porqui'ni réni qui' ca gù'na nna ca chivu nna labí la'huacca té qui' qui' para gata' perdón tse' qui' ri'u por ca tul-la' nu beni ri'u. ⁵Acca Cristua nna loti' chì' tabáduã ité yésiloyu nna rèe:

Cuiã'lu' Tata Dios, yala rutti ca enne' ca animal para guni cã presentar réni qui' qui' para perdón qui' ca tul-la',

Pero labí tanto rú'ulatsi' cuiq̃'lu' sacrificio nu runi çą, Acca chi beni cuiq̃'lu' ttu cuerpo para inte' para gunia' presentar la'a inte' ba.

⁶ Rutti çą ca animal nna rudàyi tè çą çą lo altar, ą'hua rute huá çą adí ofrenda para qui'ni eyuniyén latsi' cuiq̃'lu' ca tul-la' qui' qui.

⁷ Làniana raá ruhuée: Nì chi dua', Tata Dios, para gunia' nu adiru rú'ulatsi' cuiq̃'lu', tì'ba chi ra nu cca quia' lo ca titsa' nu ga'na escrito lo libro.

⁸ Por ca titsa'a nna, annana yù ri'u qui'ni Cristua primérute rèe qui'ni Tata Dios nna labí la' redacca' latsi' té qui'e por réni qui' ca animal nu runi ca enne' presentar lani e, ñihua labí rú'ulatsi'e ca sacrificio nna ca animal nu rudàyi çą lo altar para ca tul-la' qui' ca enne', màsqui'ba ra lo ley antigua qui'ni á' ná qui'ni guni çą ofrecer. ⁹ Bitola nna rèe: Nì chi dua', Tata Dios, para gunia' nu adiru rú'ulatsi' cuiq̃'lu'. Acca yù ri'u qui'ni para lani Tata Dios nna yala dacca' lù'uti qui' Cristua por perdón qui' ca tul-la' qui' ri'u, pues labiru dacca' ca sacrificio nu ra lo ley antigua. ¹⁰ Jesucristua nna benie nu guyú'u latsi' Tata Dios nu ná qui'ni gunie, acca iyaba ri'u nna chi beyàcca nàri ri'u de ca tul-la' qui' ri'u porqui'ni betie la'a mísmuba cuerpo qui'áa lani Tata Dios. ą' benie tsà teruba nna née sacrificio qui' ri'u para siempre.

¹¹ Iyaba ca sacerdote qui' ca enne' israelita nna puro ridàa bání çą runi çą nu ná tsina qui' qui, pues iyé vuelta tse' nna rute çą la'a

mísmuba ca sacrificio porqui'ni ttu ttu tsá nna beni çą presentar biya màsqui'ba labí riyù' ca sacrificia para ítua ca tul-la' qui' qui siempre. ¹² Pero Cristua nna tsà teruba betie ttu teruba sacrificio por ca tul-la' qui' ca enne' nna riyù'ą para siempre. Làniana beduánie cuitta' Tata Dios lugar de la' dàliani. ¹³ Cristua nna ribède nía hàsta qui'ni Tata Dios nna gúnnée làtsi' né'e iyaba canu làa cca guyu çą ne. ¹⁴ Por nui nna yù ri'u qui'ni por medio de ttu teruba sacrificio nu bėniáa nna, acca chi cca tsè' ri'u Tata Dios tulidàba para siempre, porqui'ni chi benie ri'u enne' nàri ru'a lúe. ¹⁵ Porqui'ni á' ra Espíritu Santo lo ca titsa' nu ga'na escrito làti rèe: ¹⁶ Nui nna ná convenio cubi nu runia' lani làçą bitola de ca tsá lanía, ra Señor:

Inte' nna gunia' qui'ni gunibia' çą ca ley quia' lo losto' qui nna,
Gudí'a' çą lo la' rulaba latsi' qui' qui.

¹⁷ Làniana rèe:

Bítuúuru gudia' lo qui' ca tul-la' qui' qui, ñihua bíyáaru mal nu beni çą contra ca mandamiento quia'.

¹⁸ Por ca titsa'a nna, yù ri'u qui'ni Tata Dios nna chi beyuniyén latsi'e iyaba ca tul-la' qui' ri'u para siempre, acca labiru caduel-la' qui'ni nuya enne' gutiá attu ofrenda por ca tul-la' qui' ri'u.

¹⁹ Acca ya hermanos, annana chi té modo para gá'a ri'u le' Lugar Santísimo yiabara' sin la' rátsilatsi', porqui'ni Jesucristua nna chi gúttie nna belàlia réni qui'e. ²⁰ Lèe nna

chi guthàlia gábée ttu néda cubi de la'labàni, para qui'ni por medio de lù'uti qui' la'a mísmuba cuerpo qui'bée nna labiru biya té entre ri'u lani Tata Dios tì'a cortina nu dàa le' templo antigua, sino hua té derecho qui' ri'u annana para ibíga' ri'u lani lèe cuaña tabá calatsi' ri'u. ²¹Jesús nna née Sacerdote Tsè'gani para qui'ni ri'u ca enne' qui' Tata Dios nna ibíga' ri'u lani lèe. ²²Acca hermanos, ná qui'ni ibíga' ri'u lani Tata Dios annana, pero ná qui'ni ttùlo ba deseo gata' lo losto' ri'u para guni ri'u nu rú'ulatsi'e, a'hua ná qui'ni tsíalatsi' ri'u nna ga'na ri'u seguro qui'ni gunie ri'u recibir, porqui'ni por medio de réni qui' Cristua nna chi ná nàri losto' ri'u por perdón nu runne qui' ri'u nna labiru tul-la' té qui' ri'u ru'a lúe, hàsta itute cuerpo qui' ri'u nna chi nà nàri por inda puro para ibiga' ri'u lani lèe. ²³Bíttuúru gudu chùppaniá ri'u sino ná qui'ni tsé'le ri'u tsìttsi nna egà'na ri'u seguro qui'ni gúnnee qui' ri'u nu chi rèe de riquixá'ani ri'u ca enne' qui'ni l-lá ri'u, porqui'ni Tata Dios nna née enne' lígani para gunie cumplir nu chi rèe. ²⁴A'hua ná qui'ni gulaba latsi' ri'u ti'iya ná la' ritè qui' attu hermano qui' rí'ua, para guni ri'u cualàni ttu ri'u nna attu ri'u nna, para qui'ni iyate ri'u nna guni ri'u nu ná tse' para ca enne', a' modo nna gulue'ni qui'ni té la' ts'ilatsi' lo losto' ri'u. ²⁵Bittu gúttse'e latsi' ri'u reunión qui' canu ríalatsi', sino siempre ná qui'ni etùppa ri'u. Bittu ccá ri'u tì'a canu labiru ría ca reunión, sino ná qui'ni quixá'ani luetsi ri'u para thí' ri'u adí fuerza, á'

ná qui'ni guni ri'u porqui'ni rilá'ni ri'u qui'ni chì' taání íl'ani Señor.

²⁶Canchu reyila bání ri'u modo para guni ri'u seguir lani tul-la' después de chi nabia'ni ri'u nna ríalatsi' ri'u nu ná lí, pues labí attu sacrificio té para ri'u, ²⁷sino làteruba la' rátsilatsi' por nu chì' da'la, juicio nna yí' ràl-la' nu gul-lù'ya latsi' iyaba canu ná ca contario qui' Tata Dios. ²⁸Tiempo antigua nna, canchu nuya enne' begà'nq menos nu ra lo ley nu bete Moisés qui' ca tà' tàta qui' ri'u, làç nna bètti tabá çà na canchu tsé'e chùppa o tsùnna testigo ribequia lí çà qui'ni anía benia, labí betúalatsi' qui' na. ²⁹A' uccua sufrir canu beni contra Ley qui' Moisés, pero canu rutsibi çà Ýi'ni Tata Dios annana, biani guni Tata Dios lani çà cá. Réni qui' Cristo nna nà seña qui' convenio cubi nu beni Tata Dios lani yétsiloyu para eyuniyén latsi'e ca tul-la' qui' qui', para qui'ni ccá çà enne' qui'e. Canu rugà'na menos çà réni qui' Cristo nna rinne çà mal qui' Espíritu Santo enne' rulue' favor qui' Tata Dios lani çà, pues seguro ni qui'ni làç nna thí' çà adiru castigo. ³⁰Hua yù ri'u qui'ni Señor nna chi rèe qui'ni lèe nna édi'e yèe' nna gunie castigar iyaba canu cca merecer. A'hua lèe ènni'a ínne canchu ca enne' qui'e nna beni çà nu ná tse' o canchu beni çà nu ná mal. ³¹Canchu labí runi ri'u nu ná tse', pues ná qui'ni yala gátsini ri'u canchu i'yu tsá gatti ri'u porqui'ni tsé'e ri'u làtsi' ná' Tata Dios.

³²Lebi'í nna bittu iyùl'ani le loti' huíalatsi' le primero nna chì' benna

ba Tata Dios la'yani' qui' le nna gutelíni le tse' nu ná lí. Liurèxa latsi' le qui'ni lani paciencia nna bechia le iyaba ca sufrimiento nu guÿacca' le. ³³Ca enne' nna beyudí' çà le nna bè' çà le ru'a lo adí ca enne' para guÿítsini çà le. Lebi'í nna gutsé'e le lado qui' ca hermanos qui' le de uccua çà sufrir luetsi nu guté lía. ³⁴Yala betúa latsi' le ca hermanos canu yù'u litsi' iyyà. A'hua loti' ca enne' nna guÿi' çà biÿa té qui' le, pero labí bitsa'áni le sino bedacca' lá latsi' le porqui'ni yù le qui'ni le' ÿiabara' la nna té ca cosa adiru tse' qui' le para siempre. ³⁵Bittu guthà'na le ttu lado confianza nu té qui' le lani Tata Dios, porqui'ni por fe qui' le lani e nna íl·lani iÿeni recompensa para lebi'í. ³⁶Bittu gútse'e latsi' le tsá'ue' néda, sino guni le tulidàba nu calatsi' Tata Dios, para qui'ni canchu chi i'yu tsá nna làniana thí' le iyaba nu rèe qui'ni gúnnée qui' le. ³⁷Porqui'ni, tì'a ra lo titsa' nu ga'na escrito:

Atitó' teruba reyàtsa íl·lani enne' ná qui'ni itá,

Labiru itsá para íl·lani e.

³⁸Nuÿa tediba enne' de chi biria nàriq lani Tata Dios por medio de fe nu té qui'í lani e, Lã nna ccabàniq tulidàba. Pero labí ru'ulátsa'a' canchu gudu chùppaniq nna eyeqquiq attu.

³⁹Pero ri'u nna labí rudu chùppaniq ri'u nna nunca labí gúttse'e latsi' ri'u Tata Dios tì'a runi canu nitti çà, sino rappa la ri'u confianza lani lèe, anía modo nna runi ri'u vencer para gata' la' labàni qui' ri'u.

11 Biani nua' fe cá. Fe nna quiere decir canchu chi

ríalatsi' ri'u hàsta qui'ni chi ga'na ri'u seguro qui'ni nu calatsi' ri'u nna huàccã, màsqui'ba labí chi rilá' tènì ri'u a' anna, pero labí rudu chùppaniq ri'u qui'ni huàl·lani tsá ilá'ni ri'u a'. ²Ca enne' gutsé'e tiempo antigua nna yala guyú'u latsi' Tata Dios cabi porqui'ni lo titsa' qui'e nu ga'na escrito nna ra qui'ni huíalatsi' cabi nu rèe lani itute latsi' losto' cabi.

³Chi ríalatsi' ri'u Tata Dios, acca yù ri'u qui'ni lèe nna benie yétsiloyu nna ca bélia nna iyate nu té, pues lèe nna gúnnie qui'ni: íj ccá, nna uccua çà por titsa' qui'e, acca yù ri'u qui'ni benie ca cosa nu labí té antes.

⁴Abel nna huíalatsi' bi Tata Dios, acca adiru tse' uccua sacrificio nu beni Abel presentar lani Tata Dios tì'chu fruto nu beni Cain presentar. Abel nna huíalatsi' bi, acca yù ri'u qui'ni Tata Dios nna gulèqqwie bi cuenta por enne' tse', porqui'ni la'a mísmuba lèe nna benie recibir carneru to' nu betti bi por sacrificio. Chi gutsá gùtti Abel, pero ná bá bi ttu ejemplo tse' para thí' ri'u enseñanza ti'íÿa nua' tsíalatsi' ri'u.

⁵Enoc nna huíalatsi' bi Tata Dios, acca labí gùtti bi porqui'ni de repente taá nna beyà'a bi vivo para ÿiabara' por milagro qui' Tata Dios. Ca enne' nna beyíla çà bi pero labí betseláni çà bi yétsiloyu, porqui'ni Tata Dios chia bedí'e bi. Porqui'ni antes ca édi' Tata Dios bi nna ra lo titsa' qui'e nu ga'na escrito qui'ni chi runi bi nu rú'ulatsi' Tata Dios. ⁶Labí modo té para guni ri'u nu rú'ulatsi' Tata Dios canchu labí ríalatsi' ri'u e. Canchu nuÿa ttu

enne' calatsi'ì ibíga'á lani Tata Dios nna, caduel-la' qui'ni tsíalatsi'ì qui'ni dua Tata Dios, a'hua ná qui'ni egà'nà seguro qui'ni lèe nna gunie na bendecir a'hua iyaba adí canu runi cã duel-la' gunibia' cã ne.

⁷Noé nna huíalatsi' bi Tata Dios, acca bedà naga' bi loti' ra Tata Dios qui'ni dá' peligro. Noé nna màsqui'ba nunca labí bilá'ni bi cca iyya, pero beni bi obedecer nna luegu taá beni bi bárcuá, a' modo nna bedilà bi itute familia qui' bi loti' gùl-lani iyya juíciuá. Por fe nu té qui' Noéa lani Tata Dios, a' modo nna belue'ní claru taá qui'ni ca enne' canu labí huíalatsi'a nna uccua cã merecer juíciuá. Huíalatsi' bi Tata Dios, acca gulèqqie bi cuenta por enne' tse'.

⁸Yù ri'u qui'ni Abraham nna huíalatsi' bi Tata Dios, porqui'ni loti' Tata Dios nna gunènie Abraham qui'ni iria bi para tsá bi ttu lugar nu chi rèe qui'ni gutie qui' bi, luegu taá nna beni bi obedecer. Biria tabá bi le' yétsi qui' bi nna día bi màsqui'ba labí chi nabia'ni bi gaÿa nuá. ⁹Abraham huíalatsi' bi Tata Dios, acca loti' bitsina' bi lugar nu ra Tata Dios qui'ni gutie qui' bía nna, yù bi qui'ni labí thua bi nía tulidàba, acca gala gala bá gudúá bi le' ttu yú'u to' nu de lári', tì'a beni hua Isaac ÿi'ni Abraham a'hua Jacob nna porqui'ni a'hua para làcabi nna uccua promesa nu beni Tata Dios lani Abraham. ¹⁰A' beni Abraham, porqui'ni ribèda bi lani la'ÿeni qui'ni i'yu tsá iche' Tata Dios bi le' ÿiabara' ciudad nu dua para siempre, ciudad nu beni la'a mísmuba Tata Dios según la'

ritelíni tse' qui'e. ¹¹Por fe qui' bi nna, acca niula qui' bi Sara nna uccua bi nàna nna beditsina' bi ttu ÿi'ni beyu' to' qui' bi màsqui'ba chi uccua bi ttu enne' gùla para cca bi nàna, porqui'ni Abraham nna gùppa bi confianza lani Tata Dios qui'ni seguro ni gunie cumplir iyaba nu chi gunènie bi. ¹²Abraham nna, màsqui'ba chi ná qui'ni gatti bi porqui'ni chi ná bi enne' gùla, pero bitsina' ttu ÿi'ni beyu' to' qui' bi, làniana bitsina' ca ÿithua bi, làniana iÿetse' ca descendiente qui' bi. Pues labí ccani ri'u gulába ri'u iyaba ca enne' canu ná descendiente qui' bi, tì'a labí ccani ri'u gulába ri'u ca bélia para ccá ri'u saber bál-laÿa ca bélia ná, ñihua bál-laÿa grano de yúÿi nu re' ru'a indatò' porqui'ni iÿé millón ná cã.

¹³Abraham lani Isaac nna Jacob nna gùtti ba cabi nna labí ni' thí' cabi iyaba nu ra Tata Dios qui'ni gutie qui' cabi. Pero yala bedácca'ni cabi porqui'ni ga'na ba cabi seguro qui'ni tiempo nu chì' da'la nna thí' bá cabi iyaba nu chi rèe cabi qui'ni gutie qui' cabi. Dacca'lo taá nna gutixà'ani cabi ca enni'a qui'ni yétsiloyu nna bihua nã litsi' cabi nna ttu tiempo to' teruba tse'e cabi nì. ¹⁴Yù ri'u qui'ni canu rinne cã anía nna, pues reyila rù cã lugar qui' là'a labá cã. ¹⁵Abraham lani Isaac nna Jacob nna labiru uccua latsi' cabi eyéqquia cabi país làti chi biria cabi; cáala belaba latsi' cabi eyéqquia cabi attu nna yala fácil ná para guni cabi a. ¹⁶Pero uccua la latsi' cabi tsía cabi ttu lugar adiru tse', quiere decir, lugar ÿiabara'. Acca Tata Dios nna rú'ulatsi'e

thálianie de riyéninie ína cabi:
Cuiã'lu' Tata Dios runi tu' cuiã'lu'
adorar; porqui'ni lèe nna chi benie
preparar le' ÿiabara' ttu ciudad
para làcabi.

¹⁷Tata Dios nna guthèl'le'e ttu
prueba tàbi para lani Abraham,
pero Abraham nna beni bi seguir
rialatsi' bi Tata Dios. Beni bi tì'
tabá ra Tata Dios bi nna biria latsi'
bi tùteruba ÿi'ni to' qui' bi Isaac,
chi belii ná' bi para gútti bi a lani
gutsilu para sacrificio màsqui'ba
Tata Dios nna chi rèe qui'ni iÿetse'
ca enne' nna tsíatìà cà bi. ¹⁸Ántesca
itsìna' Isaac ÿi'ni Abraham, pues
Tata Dios nna rèe Abraham: Isaac
tàta qui' ca ÿìthua lu', làniana
iÿé mili' adí ca descendiente qui'
lu' nna itsina' cà le' yétsiloyu.

¹⁹Abraham nna huíalatsi' bi Tata
Dios qui'ni màsqui'ba gatti Isaac
ántesca iÿèni bi pero té la'huacca
qui' Tata Dios para echìthe bi de
lo lù'uti para iÿèni bi nna cca bi
ttu tàta. Isaac nna de beyequia bi
lani tàta qui' bi Abraham attu nna
uccua ti'átsí beyátha bi de lo lù'uti,
porqui'ni para lani Abraham nna
chì bá ná Isaac ttu nu yatti.

²⁰A'hua Isaac nna huíalatsi' bi
Tata Dios nna gunàbani bi e lani
oración qui'ni gunie bendecir ca
ÿi'ni to' qui' bi Jacob nna Esaú nna
conforme lani titsa' qui'e. ²¹A'hua
Jacob nna huíalatsi' bi Tata Dios,
acca de ch' taáduã gatti bíá nna
gunàbani bi e lani oración qui'ni
gunie bendecir chùppa ca ÿìthua
bi, quiere decir chùppa ÿi'ni José.
Jacob nna yala enne' gùla chi ná bi,
acca dèni bi yarrothe nna bequìttsi'
bi íqquì de runi bi Tata Dios adorar.

²²A'hua José nna huíalatsi' bi Tata
Dios, acca de ch' taáduã gatti bíá
nna gunèni bi ca enne' israelita
qui'ni i'yu tsá íria cabi le' país
Egíptua, pues begà'na bi seguro
qui'ni Tata Dios nna ebèqque cà
le' Egíptua, acca ra bi cà ti'íÿa ná
qui'ni guni cà lani tsitta yatti qui'
bíá.

²³A'hua tàta nàna qui' Moisés
nna huíalatsi' qui' Tata Dios, acca
de bilá'ni cà qui'ni yala latsitte ná
bi, acca gùppa cà confianza lani
Tata Dios qui'ni lèe nna gudilè
bi para làa gatti bi, porqui'ni
enne' rigú'ubi'a nna chi gutìxã
ley qui'ni gutti cà iyaba ca ÿi'ni
nubeyu' to' qui' ca enne' israelita
canchu chi bitsina' cà. Pero tàta
nàna qui' Moisés nna labí gutsìni
cà sino becàtsi' cà bi por tsùnna
biú' después de chi bitsina' bíá
para làa gútti cà bi. ²⁴⁻²⁵Moisés
nna de chi ná bi xeni labiru uccua
latsi' bi guni cà bi tratar ti'átsí ná
bi ÿìthua Faraón enne' rigú'ubia' le'
país Egíptua, porqui'ni ÿi'ni niula
qui' Faraón nna chi bedi'ã Moisés
por ÿi'nì. Moisés nna huía la latsi'
bi Tata Dios, acca belaba latsi' bi
qui'ni adí ná tse' cca bi ttùba lani
yétsi qui' Tata Dios màsqui'ba yala
mal ruthacca' cà cabi, ti'chula
edácca'ni bi lani ca placer nu runna
ca tul'la' qui' yétsiloyu nu tté bá
qui'j. ²⁶Belaba latsi' bi qui'ni adí
ná tse' cca bi ttùba lani Cristo
màsqui'ba yala guyudí' cà bi por
nui, ti'chula gata' qui' bi iyaba ca
riqueza nu té qui' país Egíptua.
Moisés nna huíalatsi' bi qui'ni
huàl'lani tsá gute Tata Dios ttu laÿa
bi le' ÿiabara' nu adiru tse' ti'chu

biya cosa material. ²⁷ Moisés nna labí gutsini bi de bitsa'áni Faraón, sino huíalatsi' bi Tata Dios nna biria bi le' país Egíptua nna beni bi seguir lani la' rulaba latsi' qui' bi ti'átsi chi rilá'ni bi Tata Dios díe lani bi.

²⁸ Moisés nna huíalatsi' bi qui'ni Tata Dios nna huí'e cuidado yétsi qui'e, acca beni bi ca enne' israelita mandado gútti ca ttu carneru to' nna gude tè ca réni qui' carneru tú'a ru'a puerta qui' ca yú'u qui' caniá fuera, para qui'ni ángeli nu guthel-la' Tata Dios nna ilá'ni bi réniá nna bittu gútti bi yi'ni néru qui' ca enne' israelita. ²⁹ Ca enne' israelita nna huíalatsi' cabi qui'ni iñeni la'huacca té qui' Tata Dios, acca gùppa cabi valor nna gutè cabi indatò' nu láa Mar Rojo, fácil ba gutè ca ti'átsi ná yúbtsi ba. Ca soldado Egíptua nna beni ca duel-la' tañeni ca gudàxu' ca cabi preso, pero huàppi ca inda iyaba ca nna gùtti tabá ca.

³⁰ Ca enne' israelita nna huíalatsi' cabi Tata Dios, acca beni cabi tì'a rèe nna bè' cabi vuelta ita'lùba ttu yétsi xeni láa Jericó por gàtsi ubitsa, a' modo nna de repente taá itute dé'è nu yeqquia ru'a yétsia nna ttùba biyinnia. ³¹ Iyaba ca enne' qui' yétsi Jericó nna gùtti ca luegu tabá, pues làca nna labí caso beni ca nu ra Tata Dios. Pero ttu niula maña lá Rahab nna huíalatsi' bi Tata Dios nna gulà bi, porqui'ni labí betsùna' litsi' bi gutà'a chùppa ca soldado israelita canu gunérua, làniana becuittani ca canu denó canaá.

³² Bíaruhuá nua' reyàtsa quixa'ánia' le nì'i. Pues yala itsá

ccá canchu quixa'ánia' le iyaba ca cosa tse' nu uccua lani Gedeón nna Barac nna Samsón nna Jefe nna, a'hua rey David nna Samuel nna adí ca enne' uccua ca profeta nna. ³³ Làcabi nna yala confianza gùppa cabi lani Tata Dios, acca beni cabi gana guerra lani adí ca nación xeni. De rigú'ubia' ca nna beni ca nu ná tse' lani ca ènni'a. Iyaba ca enne' canu té fe qui' qui' lani Tata Dios nna, benie por làcabi tì'a chi rèe nna benie cabi cualàni, hàsta ca león nna bethàya rú'a qui' nna labí biya bethacca' ca Daniel. ³⁴ A'hua por la'huacca qui' Tata Dios nna labí huáyí cabi loti' ca contario qui' cabia nna bedà-la ca cabi le' horno yí'a. A'hua adí làcabía nna biria cabi làtsi' ná' canu uccua latsi' qui' hué' ca cabi machete. Labí fuerza iñeni té qui' cabía pero yala la'huacca bete Tata Dios qui' cabi, lani valor gùppa cabi lo guerra hàsta ca ejército contráriu nna becuitta ca. ³⁵ Ca niula tiempo lánia nna huía huá latsi' cabí Tata Dios, acca ca familia qui' cabi loti' chì bá gùtti ca beyacca bàní ca por milagro qui' Tata Dios.

Tse'e huá adí ca enne' ríalatsi'a, pero gùtti cabi por tanto dolor nu bethacca' ca contráriu cabi, porqui'ni labí uccua latsi' cabi guttse'e latsi' cabi fe nu té qui' cabi, sino para làcabi nna adila tsa' gatti cabi, porqui'ni huíalatsi' cabi qui'ni hueyátha cabi de lo lù'uti para ttu la'labàni cubi nu ná adiru tse'. ³⁶ Ca enne' nna yala beyítsini ca adí ca enne' ríalatsi'a nna bè' ca cabi lani cuarta hàsta guchèda'ní ca bèla' cuè'e cabi. A'hua adí cabi

nna bedàxu' cą cabi preso nna beŷìqquia tēni cą cabi lani cadena. ³⁷⁻³⁸ Adí canu ríalatsi'a nna be' cą cabi íyya hàsta qui'ni gùtti cabi. Adí cabi nna guchu cą lahui' cuerpo qui' cabi lani cierra nna gùtti cabi. Uccua cabi probar canchu hualigani huíalatsi' cabi. Adí cabi nna guda cą espada láti cabi nna gùtti cabi. Betsia latsi' qui' adí cabi nna becuítta cabi le' yétsi qui' cabi nna gala gala ba huía cabi yúbitsi l-le, ca lo'ya ba l-le, le' ca bèlia guŷua cabi l-le, le' ca yèru becàtsi'lo cabi l-le. Labiru lári' té qui' cabi nna acca gùccu' cabi vestido nu de yéti ŷo carneru nna chivu nna. Yala gutùni cabi nna hui'ni cabi nna puro mal bethacca' ca enne' cabi. Yétsiloyu máluŷ nna labí cą merecer qui'ni ca enne' ts'éa nna ts'ée rù cabi lani cą. ³⁹ Iyaba canu ríalatsi'a nna yala confianza gùppa cabi lani Tata Dios, acca rèe lo titsa' qui'e nu ga'na escrito qui'ni yala rú'ulatsi'e nu beni cabi, pero labí guŷi' cabi bendición nu ra Tata Dios qui'ni gutie qui' cabi. ⁴⁰ Porqui'ni dèsdèba antes nna chì bá nanie ttu cosa adiru tse' para ri'u, para qui'ni bittu thí' cabi bendición nu benie prometer sino lani ri'u la.

12 Acca ŷa hermanos, chi yùliràni ri'u qui'ni tse'le ita'lùba ri'u iŷetse' ca enne' canu huíalatsi' cabi Tata Dios itute la' labàni qui' cabi. Acca ná qui'ni guttse'e latsi' ri'u iyaba ca estorbo nu ruthàga' cą ri'u ló néda lí nu becué' Tata Dios para ri'u nna, guthà'na ri'u biŷa tul-la' nu té la'huacca quí'ŷ gudàxu'ą ri'u para làa itsina' ri'u rú'a. Acca ná qui'ni

neru ri'u tulidàba. ² Línna'áruhuá' ra' làti dua Jesús enne' née ejemplo tse' para guni ri'u seguir, porqui'ni lèe nna nabia'nie tse' ti'íŷa nua' gappa ri'u confianza Tata Dios hàsta fin. Jesús nna labí dejar benie de uccue sufrir lo curútsia, labí uccue vencer por dolor nu gùppe ñihua labí bettú'nie de guté'e lo curútsia por ri'u, porqui'ni yùe qui'ni bitola nna yala la' redacca' latsi' té qui'e. Annana duánie cuitta' Tata Dios lugar de la' dàliani le' ŷiabara'.

³ Acca lebi'ŷ nna liurèxa latsi' le ti'íŷa ná la' gutée qui' Jesús para qui'ni làa edúl-la'a latsi' le nna cueda le tsálué' néda. Liurèxa latsi' le ti'íŷa ná la'ŷeni guŷi'e loti' ca enne' túl-la'á nna yala mal bethacca' cą ne. ⁴ Lebi'ŷ nna yala cca le sufrir porqui'ni rudúdítsini le numalua para làa guni le tul-la', pero labí chi uccua duel-la' cca le sufrir hàstaba gutti ni cą le. ⁵ Tsí chi biŷùl-la ni le qui'ni Tata Dios nna chi bènnèe consejo tse' qui' le porqui'ni ná le ŷi'nie cá, làti ra ttu tàta lani ŷi'ni:

Lu' ŷi'nia', canchu Señor nna chi runie lu' corregir, pues belaba tse' latsi' lu' nna,

Bittu edúl-la'a latsi' lu' canchu rèe qui'ni labí tse' runi lu'.

⁶ Porqui'ni Señor nna, iyaba canu catsi'ínie nna runie cą corregir.

Canchu chi runie nuŷa castigar nna,

Ą' modo nna rulue'ní qui'ni ná ŷi'nie.

⁷ Liúchia lani la'ŷeni biŷa disciplina nu cca le sufrir de Tata Dios, porqui'ni ą' runie lani canu hualigani ná cą ŷi'nie, tì'a runi ca

tàta canchu chi catsi'íni cã ca ÿi'ni qui para qui'ni guni cã adí tse'.
⁸Canchu Tata Dios nunca labí runie le corregir, a' modo nna rulue'ní qui'ni labí ná le ÿi'nie sino bastardo ba ná lá lé. ⁹Loti' ná rù tu' huatsa to', ca tàta qui' tu' nna beni cabi tu' corregir nna yala titsa' gùppa tu' cabi. Dios enne' ná Tata qui' espíritu qui' ttu ttu tsa ri'u nna, tsí alahua adiru caduel-la' gappa ri'u e titsa' canchu chi runi e ri'u corregir, para gata' ttu la'labàni adiru tse' qui' ri'u cá. ¹⁰Por ttu tiempo xcuichu to' teruba nna runi ca tàta qui' ri'u corregir según nu yù cabi. Pero Tata Dios nna siempre runie na para bien qui' ri'u, para qui'ni bétsi bétsi bá nna cca ri'u adí enne' lòsto' nàri tì'ba lèe. ¹¹Nì titó' labí redácca'ni ri'u canchu chi cca ri'u corregir, sino yala cadí' láni ri'u. Pero bitola nna de chi guÿi' ri'u ttu enseñanza tse' de chi uccua ri'u castigar nna entonces adiru la'ÿeni chi beyàtta' qui' ri'u porqui'ni yù ri'u qui'ni annana chi runi ri'u adí tse'.

¹²Acca lebi'i canu yala redúl-la' latsi' le, liguni duel-la' guchia le ca prueba nu ritè le para qui'ni eyàtta' fuerza ca ná' le nna nì'a le nna, ¹³guni le seguir néda nu ná lí, para qui'ni ca hermano débil canu denó cã le bittu íria cã ttu lado, sino gata' la adí fuerza espiritual qui' qui'.

¹⁴Lihue'él-la' latsi' le gata' la'ÿeni lo losto' le lani iyaba ca enne', a'hua qui'ni ccá nàri la'labàni qui' le le' yetsiloyu, porqui'ni lanú nuÿa ilá'niã Señor canchu labí ná nàri la'labàni qui' nna la' rulaba latsi' qui' nna. ¹⁵Ná qui'ni hué' le

cuidado qui'ni nú ttu hermano guthà'nã menos la' tsi'ilatsi' qui' Tata Dios nna labiru rue'él-la'ã qui'ni guni e nna cualàni. Lihue' cuidado qui'ni làa il-lani lo losto' le biÿa rencor nna itsa'áni le lani adí ca enne' nna gudèti'ã cã, tì'a ccá lani ttu jardín canchu il-lani ttu planta il-la'. ¹⁶Lihue' cuidado qui'ni làa guni le biÿa vicio tì'a adulterio nna, ñihua bittu guthà'na menos le ca cosa qui' Tata Dios, tì'a beni Esaú. Lã nna uccua ÿi'ni neru qui' Isaac, pero por ttu teruba plato la'gó nna bètti'ã derecho qui' lani betsi to' qui' niã nna benittiã bendición nu ràl-la'ã. ¹⁷Chi yù le qui'ni bitola nna yala uccua latsi' Esaú edi'ã bendición tse' nu ná para ttu ÿi'ni néru, pero labiru dàcca'ã para edi'ã na. Labiru posible té para qui'ni tàta qui' niã nna gúttsiání la' rulábalatsi' qui' bía màsqui'ba guretsiã nna gutta'yúniã bi qui'ni eyunna bi bendición qui'.

¹⁸Alahua bebiga' le lani i'ya Sinaí tì'a ca enne' israelita tiempo antigua nna bitsina' cabi làti dua i'yaá loti' Tata Dios nna betie Ley qui'e lani cabi. Yala gutschini cã porqui'ni gutsché'e cã ru'a yí' ràl-la', dàa tè bía chul-la nna be' túnu' nna. ¹⁹A'hua guretsi trompeta nna biyénini cã tsi'i ttu enne' nna biyénini cã gùnne Tata Dios nna gutta'yú cã qui'ni bíttuúru gul-lúitse'e cã adí, ²⁰porqui'ni yala gutschini cã de ra Tata Dios cã: Bittu gulappa' le i'ya Sinaí'ã, màsqui'ba ttu animal to' qui' le thúluã néruã para tsappiã i'ya' nna caduel-la' thí'ã castigo nna hué' le animal to' qui' lía íyya hàsta qui'ni gattiã,

o thu le ttu lanza látj. ²¹Hàsta Moisés nna de rilá'ni bi ti'iyá cca i'ya Sinaía nna ra bi: Yala riýítti'a' porqui'ni ratsi te'.

²²Pero lebi'i' nna chi bebiga' le lani attu i'ya huaya' nu ná adí tsè', i'ya Sión, ciudad làti dua Tata Dios tulidàba, quiere decir, Jerusalén de ÿiabara' làti tse'e iýé mili' ca ángeli, ²³làti retùppa ca ÿi'ni néru qui' Tata Dios nna runi cã ne adorar nna chi dua lá quj lo libro nu té ÿiabara'. Chi bebiga' le lani Tata Dios enne' née Juez para quixé'e nu cca qui' iyaba ca enne' canchu beni cã tsè' o canchu labí, chi bebiga' le làti tse'e ca éspíritu qui' ca enne' nu beni nu ná tse' nna chi redácca'ni losto' cabí por ca bendición qui'e, ²⁴chi bebiga' le lani Jesús enne' née Mediador nna chi bètsi'e ri'u lani Tata Dios por medio de Convenio Cubi qui'e. Lani réni nu belàlie nna acca chi gulà ri'u. Pero por lù'uti qui' Abel nna uccua ttu enne' castigar.

²⁵Acca lebi'i' nna líhue' cuidado qui'ni làa gugà'na menos le Enne' chi rinnie lani le annana. Tiempo antigua nna labí uccualatsi' quj gudà naga' quj enne' gutixà'ani bi cã nì le' yétsiloyu nna, pues labí gulà cã sino uccua la cã castigar. Acca ti'ání modo l'la ri'u para làa thi' ri'u castigo, canchu labí gudà naga' ri'u Enne' rinènie ri'u dèsteba ÿiabara' cá. ²⁶Loti' gunènie ca enne' israelita nna yala fuerte guýu'. Pero annana rèe: Attu vuelta teruba gunia' qui'ni xu' yétsiloyu pero a'hua ÿiabara'. ²⁷Acca tétlíni ri'u de rèe: Attu vuelta teruba, quiere decir qui'ni iyaba ca cosa material nu chi benie nna tté bá cã por la'huacca

qui'e, para qui'ni iyaba ca cosa tse' nu ra lo titsa' qui'e nna eyà'na cã para siempre porqui'ni ná cã firme. ²⁸Chi gul'lani ttu la' rigú'ubia' lani ri'u nu labí ttá, acca ná qui'ni gulue' ri'u qui'ni té la' quiýaru lo losto' ri'u, anía modo nna guni ri'u Tata Dios servir nna tsé'e ri'u tsiba ru'a lúe, a'hua ná qui'ni gátsini ri'u e porqui'ni què merecer. ²⁹Porqui'ni Tata Dios enne' runi ri'u adorar nna iýeni ná la'huacca nu té qui'e, ti' tabá yi' ràl-la'.

13 Ná qui'ni gulue' le tulidàba lani ca hermano qui' le qui'ni té la' tsí'ílatsi' lo losto' le para làcabi. ²Litse'e al tanto para guni le recibir tse' iyaba canu tanèl'lia' cã le, a'hua para guni le cã invitar. A' modo nna tuchùppa cabía beni cabi ca ángeli atender, pero labí bennia cabi cuenta qui'ni ca visita qui' cabi ná cabi ángeli de ÿiabara' hàsta después la.

³Bittu iýùl'lani le canu yù'u litsi' iyya, pues hua ná deber qui' le etúa latsi' le cã ti'batsi yù'u huá le lani cã litsi' iyya. A'hua ná qui'ni exa huá latsi' le canu cca cã sufrir por biýa mal nu ruthacca' ca enne' cã, porqui'ni a'hua lebi'i' nna xiaba tté le á'.

⁴Labí ná tse' qui'ni nuýa ttu enne' guthà'na menos ttu matrimonio, nìhua labí ná qui'ni ttu matrimonio nna ccã contaminar lani tul'la', porqui'ni nã ttu cosa tsè' hàstaba lònà qui' quj. Pero Tata Dios nna gunie castigar iyaba canu ridualàni nu labí ná tsela quj, sea soltero o sea enne' casado l-le.

⁵Bittu catsi'íni le bel'liu. Leyà'na le conforme lani tsaliáya té qui' le,

lani la'yeni lo losto' le, porqui'ni
Tata Dios nna chi rée:

Inte' nna labí guttse'e látsa'a' lu',
nihua labí iyùl:la te' lu'.

⁶Acca labiru ná qui'ni gudu
chùppanià ri'u, sino lani confianza
ba ecàbi ri'u:

Señor nna née enne' runie inte'
cualàni,

Labiru gatsi te' nu runi ca enne'
para biya guthacca' ca inte'.

⁷Ná qui'ni éxalatsi' le canu beni
cabi tsina pastor entre lebi'i, canu
chi gutixà'ani cabi le ca titsa' qui'
Tata Dios. Liulába latsi' le ti'iya
tse' ná ejemplo nu bedua cabi de
itute la' labàni qui' cabi nna guni
le tì'a làcabi según la'a mísmuba
enseñanza nu huíalatsi' cabi.

⁸Jesucristua nna là'a labée
enni'a tiempo nu chi gutè, a'hua
annana, là'a labée enni'a' tulidàni
nna. ⁹Acca bittu guttse'e latsi' le
nu ná lí por nuya enne' nu ra attu
enseñanza nuhuaya' nu labí ná
ttùba lani nu chi nabia'ni le. Adila
tsa' edi' ri'u fuerza espiritual nu
da' de amor qui' Tata Dios, ti'chula
hue'él:la' latsi' ri'u guni ri'u cumplir
ca regla religiosa nu cca qui' ca
alimento qui'ni go le o labí qui'ni
go le para iyù'ni le lani Tata Dios
según làcà. Ca regla luetsi nua' nna
labí tálíà çà biya cosa útil.

¹⁰Ca sacerdote canu dàa rù çà
runi çà tsina qui' qui' le' templo qui'
ca enne' israelita nna labí parte té
qui' qui' lani sacrificio nu tsia lo
altar espiritual qui' ri'u. ¹¹Según nu
ra lo ley qui' Moisés nna, sacerdote
nu adiru rigú'ubi'a nna gutà'a bi le'
Lugar Santísimo lani réni qui' ca
animal nu betti çà nna beni bi à

presentar por sacrificio para perdón
qui' ca tul:la', pero ca cuerpo yatti
qui' ca animal canu betti çà nna
bedàyi çà çà fuera yétsia. ¹²A'hua
Jesús nna uccue sufrir fuera yétsi,
à' modo nna reyuniyén latsi' Tata
Dios ca tul:la' qui' ca enne' para
qui'ni ccá çà enne' quie, porqui'ni
gùttie nna belàlia réni quie. ¹³Acca
ya hermanos, ná qui'ni tanó
ri'u Jesús enne' gùtti lo curútsia
màsqui'ba tsé'e ri'u fuera de iyaba
ca enseñanza nu labí riyu' nna
ccá ri'u sufrir por nu rena ca enne'
tì'a uccue sufrir de ruduad'i' çà
ne. ¹⁴Porqui'ni le' yétsiloyu nna
bihua lugar té làti tse'e ri'u para
siempre, sino ribeda ri'u lani la'yeni
hàsta qui'ni i'yu tsá tsé'e ri'u le'
Ciudad nu ná para siempre. ¹⁵Acca
ná qui'ni gudàliani ri'u Tata Dios
tulidàba por medio de Jesucristua,
porqui'ni à ná sacrificio nu ná
qui'ni guni ri'u ofrecer, quiere
decir, hué' ri'u e gracia lani oración.
¹⁶Liurèxa latsi' le tulidàba qui'ni chi
ná le hermano para guni le nu ná
tse' nna gute le cualàni qui' luetsi
le, porqui'ni à' ná attu sacrificio nu
rú'ulatsi' Tata Dios qui'ni guni li e
ofrecer.

¹⁷Canu runi cabi tsina pastor entre
lebi'i nna, liudà naga' nu rinèni
cabi le nna gata' voluntad qui' le
lani cabi, porqui'ni yala nuyué
cani cabi ti'iya cca para qui'ni ccá
tse' la'labàni espiritual qui' le de
chi ná cabi responsable ru'a lo Tata
Dios para guni cabi le guiar tse'.
Canchu à' guni le nna entonces tsina
pastoral qui' cabi nna ccá ttu tsina
de la' redacca' latsi' en vez de ttu
tsina idi'i nna peor ccá para lebi'i

¹⁸Lígúni oración por intu', pues té la'ỹeni lo losto' tu' qui'ni labí bi'ya mal runi tu' nna runi tu' seguir lo néda de la' labàni nu ná lí nna nàri nna. ¹⁹Rul-luítsa'a' le qui'ni éxalatsi' le inte' especialmente annana lani oración qui' le, qui'ni Tata Dios nna gunie néda quia' para qui'ni itá xì'a' lani le attu.

²⁰⁻²¹Tata Dios enne' runna la'ỹeni, enne' bechìthe de lo lù'uti Xana' Ri'u Jesucristua enne' née Pastor adiru enne' ỹeni nna rui'e ri'u cuidado, rinába'a' qui'ni lèe nna gúnnee qui' le iyaba nu ná tse' para guni le voluntad qui'e, de runie lo losto' le qui'ni ccá le tì'a rú'ulatsi'e, por medio de Jesucristua nna réni qui'e nu rulue' qui'ni chi benie ttu convenio nu dàcca' para ri'u tulidàba. Lèe nna què merecer

qui'ni gata' la' dàliani qui'e tulidàba para siempre. Amén.

²²Ratta'yúnia' le hermanos qui'ni guchia le lani paciencia de rudà naga' le ca titsa' níyilì para cca le animar, porqui'ni carta quíyilì nna álahuá ná carta xeni. ²³Cca le saber qui'ni hermano qui' ri'u Timoteo nna chi gùta' libertad qui' bi. Canchu el·lani tabá bi nì nna, itá chuppa taá tu' tané·lia' tu' le.

²⁴Rithél·la'a' la' rinàba titsa' qui' tu' lani iyaba canu runi çá tsina pastoral entre lebi'ì nna a'hua lani iyaba adí canu ríalatsi' nna. Ca hermanos de país Italia nna rithel·la' huá cabi la' rinàba titsa' qui' le.

²⁵Tata Dios nna gunie iyaba le bendecir.

A' bá ná.